

朝鮮青年獨立團

右代表

崔八鐘

尹昌錫

金度演

李琮根

李光洙

宋繼白

金喜壽

崔謹愚

白寬洙

金尙德

徐椿


# 決議文

本團以日韓合併非出於吾族之意思而威脅吾族之生存發展且為擾亂東洋平和之原因故吾族主張獨立

一 本團召集朝鮮民族大會以該會決議對於日本議會及政府要求決定吾族之運命

二 本團據萬國平和會議之民族自決主義請求吾族之通用且為達其目的對於駐在日本之各國大使公使要求傳達本團之意思於各其政府同時派遣委員二人于萬國平和會議與吾族全體之派遣委員取一致行動

三 以上諸項之要求不幸而失敗則吾族惟有對於日本而為永遠血戰以此而慘禍之發生者吾族不負其責



# 獨立運動之四大原因

## 一、歷史上由來之宿怨

韓日兩國處亞洲之極東一葦相望而韓國有四千二百餘年之歷史日本有二千七百餘年之歷史厥初風氣之開發韓先而日後日人之飲食衣服官室橋梁百工技藝與儒教佛教文學天文曆學官學醫學之類皆自韓人而傳授故日本以文化之歷史則韓人之弟子也乃日人以島國之性自古以來寇鈔爲生對於韓人不以德報恩而以兵爲報二千年間倭寇二字不絕於韓史則日人者韓人之世讎也以昔日之弟子而欲奴韓人於今日其肯甘心屈服乎以歷代之世讎而欲同化韓人於今日其肯頓忘宿怨不恥新媾乎且凡世界民族有歷史之魂者雖屈於一時強力而一遇機會皆能復活而况韓人之特強于歷史思想者乎

## 二、日人武斷政治之激成反動

日本武人專制之國也政權操自武人之手併韓以來所謂總督政治一出於武斷各宗教非有總督之認許者不得傳道查經建築教堂編纂書籍且信徒之稍有聲譽者輒捏造罪案株連拘捕施以奇刑酷罰期於滅教爲志至教育尤酷制裁凡併合以前之師範中學普通各校盡勒令撤廢而新設公立尋常

## 獨立運動之四大原因

學校只授以日語日文將韓之歷史地誌盡付燬棄嚴禁學生之言論斷絕外國之遊學蹂躪青年不留一毫自由矣草野儒生跡涉越嶽者悉誣以強盜殺之死刑獎勵日人之移植估奪韓人之土地家屋顯行驅逐鴉片爲世界之公禁而乃特許栽培置專賣房擴張其銷路以賣淫女爲無限之輸出壞我禮俗毒我青年是則以滅種爲圖也以韓族靈敏之性豈不能亂破奸險而甘就自滅乎宜其有決死奮起之一日也

## 三、日人暗弒大皇而民怒愈激

我光武帝自明成后彼弒於日人恨彼已深而躬遭廢置國被合併痛尤罔極雖在幽禁之中而乘機報復之念未嘗不存故彼認帝爲排日之魁思有以除之矣至是歐戰告終萬國開平和之會各族決自主之義彼乃慮帝更有海牙派使之活動遂謀暗弒以今年一月二十三日令賊臣韓相鶴齋毒於食醢而進之不逾時而大漸帝叫曰吾食何物而如是耶俄而暴崩兩眼皆赤遍體紅斑而爛爛侍女二人亦斃此變傳播民心大憫國中男女老幼皆衣麻席藁呼天哭泣至七日不輟痛恨日人誓不俱生此光武帝以身犧牲于獨立運動者也

## 四、世界公理之主倡爲吾族之動機

天道好還物極必反所謂生存競爭之說漸謝其權人類共存之義執牛耳凡以軍國主義侵略政策橫跳一時者均爲輿論所攻平和大同之真理將易世界而新之彼日人尤以侵略

## 獨立運動之初聲

在中國上海之新韓青年黨派送代表于平和會

建國紀元四千三百五十二年二月一日新大韓青年黨呂運亨金澈金奎植鮮于焯韓鎮敷張德秀趙東祐徐丙浩等集于上海協議光復大事決派代表于巴黎平和會而金奎植當選赴法張德秀渡日本訪留學生團金澈鮮于焯徐丙浩白南奎金淳愛李華淑入內地呂運亨赴俄領訪各社會之要人商權進行方法

## 在日本東京留學生之獨立運動

二月八日我留學生之在日本東京者六百餘名會于韓人青年會館而崔八幡登壇演說慷慨激昂聲淚俱下朗讀宣言書及決議文因以指血寫獨立要求書將提出于日本議會而日警八十餘名突來要縛署名諸人學生等據理詰責日警乃拔劍斫之流血滿堂六十餘人被拘入於西神田警署搜索學生之宿舍各人有刑事一人之監視學生等發憤益烈以十二日上午更會于青年會館以要求釋放及貫徹目的開議而日警三十餘名破戶亂入捕縛二十五人八日開獄以六十餘人處

而強橫豈新時代之能保運命者耶此吾韓族順應時勢根據正義期享自由幸福自信其必獲勝利者也

出版法違反律崔八幡徐椿鑾錮一年餘人九個月而學生等爲續行運動派李光洙于上海

## 在美洲桑港之韓人國民會選派代表

我韓僑之住美洲桑港者原有國民會之一團至是會長安昌浩開會謀獨立議派代表三人于巴黎平和會而李承晚閔瓊鎬鄭翰景當選乃以旗行券之爲障也不克赴法而在華盛頓各地宣布獨立主旨求列國之同意

## 國民全體之獨立示威運動

三月一日我大韓民族舉正義人道之赤幟開創前古未有之徒手革命猛打軍國主義大放光明於世界之日也是舉也由學生主倡而彼日人所管之學校生徒尤多各宗教一同社會各團貴族平民各階級一致踊躍各團首領會于京城決定舉義且以太皇因山之參觀而遠近人民之會者數十萬孫秉熙吉善宙等三十三人爲民族代表以是日集衆于塔洞公園將宣言書朗讀於是太極國旗突飛天空獨立萬歲之聲震撼山

番而秩序整齊肅舉動文明各國人之觀光莫不讚嘆深表同意自京城以至開城平壤鎮南浦宜川安州義州咸興元山大

邱黃州谷山遂安及各市場均以同日起者續自此日內外各地爭相蜂起死求獨立爲我二千萬之一致行動也

## 韓國女學生致巴黎會書(字林報)

巴黎和會人員刻方注意改正人類之正義與權利我輩韓國兒童謹於上帝之前竭誠籲請君等有以扶掖而安撫之我輩不幸以女子身受可羞之待遇迭遭侮辱我人將向誰呼籲以伸冤抑乎我人將向何處乞助乎我人唯望空呼號然而見憐者誰乎刻聞各地之人皆要求自由故我韓國人民男女兒童亦皆起而宣布我人所受之壓制呼籲韓國之獨立矣乃我人竟遭毆擊受監禁被唾罵或被刀斫或被鉤傷或爲刺刀所穿或爲拽髮而行我人房屋多遭毀壞是無正誼亦無人道也我人於禮拜日不得赴教堂集會我人住居國內常被詰問是否爲基督教徒若答曰是即遭毆打箠擊被殺者蓋已多矣然而我人不抵抗也但舉兩手向天爲國呼籲以求自由與權利而

## 林遂呈巴黎和會書(救國報)

大韓亡國後十年一月一日大韓通客林遂病臥俄領之海參威痛哭致書于萬國和平會階位代表閣下伏以遂亡國殘命不死猶恥豈敢以鄙陋之姓名擬瀆于萬國羣公之下哉然抑

韓國女學生致巴黎和會書

己諸君乎諸君乎亦將憐憫我人而承認韓國之獨立乎諸君亦將阻止日本此種慘酷之虐政與不公平之待遇乎我人雖知此函或未必能達和平會議然而必有得見者亦將爲我人之慘痛所感動而以此語之乎我人所作之函或不免於多所錯誤有類小兒所爲乞諸君諒之蓋我人既無權力而又無可告訴我人惟信賴上帝必能感動君等俯聆我人之言而已亞門再者有謂我國人民有不能忍受日本現在及過去之暴虐者亦嘗署名于紙請求日韓合併實則此事非確乃日本之誘計耳大美國總統威爾遜君乎我人視君如父請一聆我人之獨立宣言而告諸世界各國此我人所切禱者也  
一千九百十九年三月十日韓國女學生團謹上

亦我上帝所命而備天下之人之一既與天下萬命俱有平等之權矣又豈敢有懷而自沮以廢我上帝之命於天下和平之席哉竊聞近日暴德摧服歐戰告終萬國釋戈黎民同慶將以

某月某日開和平會於大法國巴黎之都萬邦各派代表宣講大公權於天下噫其盛矣未知列位諸君發與滅繼絕之仁心許我韓人之代表一席而使之陳無告可憐之情狀耶願寬對如我韓國者若不依賴諸公之大公德心因緣萬國之和平會以謀其再國於天下萬國之際再民於萬國國民之列則此一片錦繡江山一部神聖民族將永淪於萬劫不復之悲境矣嗚呼春風暢物句萌畢達而猶有一區之慘憺者有崖以覆之也彼太陽昇空翹肖必形而猶有天地之昏黑者有盆以覆之也彼日本之陰崖覆盆於我韓者不但背于天理其于人情亦不忍之甚矣請臚列其由來對韓之罪狀以公萬國公正之眼頃在我韓開國四百八十五年丙子日本使臣黑田清隆井上馨以兵入我江華府要我同盟與我大臣申樞尹滋承立成約款其一曰朝鮮自主之邦保有與日本平等之權嗣後欲表親之實須以彼此同等之體不可毫有侵越猶嫌宜先將從前爲交情阻塞之患一切平除務開寬裕和通之路以期永遠相安又開國五百四年乙未日本使臣伊藤博文與清國使臣李鴻章會于馬關其約款有曰朝鮮國自主獨立兩國不可毫有侵越又日本明治三十七年與俄國宣戰其詔有曰韓清兩國維持平和其通告列國則有曰元來韓國獨立其土地主權之保持者爲戰爭之目的其派遣使臣於歐美說明戰爭之因亦曰鞏

固韓國獨立凡此數條皆天下萬國之所共知也抑兩國輔車之勢交隣信義之道所不得不然也奈其實施於我韓者有若別人手法我韓國國四百九十三年甲申日本使臣竹添舉兵入關劫遷我皇帝于景祐宮屠殺我大臣閔台鎬趙甯夏等六人爲駐劄清將袁世凱之所擊退而逃之五百三年甲午日本使臣大島圭介露刃上殿毆棄我官室掠奪我寶藏勒令斷絕清國明年乙未日本使臣三浦梧樓潛兵犯關灌之油而燒死我皇后拔其刀而嚇刺我皇帝皇帝避禍於俄使之公館萬國共憤聲討並張而專事推委不曾補送一賊國內義旅蜂起流血塗地而乃強弱不敵竟底于敗凡此之罪蓋天地之所不容庶幾少畏于公理矣而及夫滿洲之役一邊以保護我韓之義聲明于天下一邊送林權助長谷川好道等次第出來藉稱軍用肆行脅迫其於設鐵道則或不經知照誘用假造之紙貨水駛而風馳脅使不時之役民家驅草薙其濫占地段則乃至無所限極迫撤人家室而老幼呼哭于原野掘人塚墓而鬼神歎號于風雨軍事已畢靡所憑托而不惟無意於還付又復日事侵奪至于沿海森林漁採參礦之利源無不盜據至光武八年甲辰勸作議定之書稱以忠告之事陰鑿左道浮游輩作團結合名曰一進緝紳章甫抗疏陳義則曰排日加以殺戮國民儒士之稍涉効忠者曰妨害治安隨即纏斃逮至乙巳誘其私

變一遣會托爲民論內呈政府外告列邦以爲我韓無自治之勢焉者寃死憤死餘焉者餓死凍死而終焉則豈尙有天理也耶  
力情願日國之保護遂於十月二十一日之夜伊藤博文與權  
助好道率兵入闕脅迫皇帝勅成條約噫爾時我皇帝自誓以  
殉社大義參政大臣痛哭而斥之其外諸大臣閉泳燠趙秉世  
等十七人刺腹飲藥同時並命精神儒臣抗疏投函視死如歸  
相繼而殉國者凡二百八十九人其餘橫被拘執爲日人烙斃  
而鎗斃者無慮千百此可以瞞諱天下之耳目耶且我皇帝手  
筆之達于美國政府者昭然以不曾認許爲說而使臣李儁刺  
腹瀝血於海牙會席而天下之人皆耳目之矣上帝臨之鬼  
神左右日月岳瀆昭布上下而會莫之畏反以爲大事已定可  
以肆志始之徒以監督外交爲義者忽焉廢其帝而屋其社始  
之猶以保護獨立爲名者忽焉奴其民而擢其土乃於庚戌八  
月二十九日我大韓國亡焉國亡之日上之高官貴族下之婦  
孺輿臺自刎而死飲藥而死沉水壓石而死者不知幾千百人  
義士烈男之隨處起義流血於疆場者彼日人皆以強盜土匪  
目之一人効義九族抵罪十年以來義骨山積義血雨注愈往  
愈烈愈烈愈殺彼輩殘毒之心必欲使我韓人魚命終於熱釜  
之中充其肚果其腹而後已嗚呼我韓雖偏少苟有生命於其  
中者蓋二千萬焉其二千萬皆韓之族也其中安知無沼吳  
之勾踐存楚之包胥哉今以野蠻之強暴施之於我韓使其上

韓國女學生致巴黎和會書

設使我韓人民無智力以相角徒駢首待戮無足爲說但就日  
本官之無信無禮不仁不義徒憑一時之詐力深幸隣國之不  
振外假保護之名內售欺騙之奸白奪人三千里疆土赤滅人  
二十萬生命者豈其幸耶齊魯宋假滅人之國而其國旋亡以  
拿破崙之振盪西歐而卒不能庇其身者非力不足也拂乎人  
情也今獨不可以鑒乎然此亦在日本之自爲而已今萬國有  
公法以維持又復設此和平會以昭大信雖以德皇之暴惡不  
敢以強權壓制隣邦必底於敗亡難以暹羅瑞西之弱且小而  
能自立於強隣之交者蓋不當以非義見屈於隣國也獨如日  
本之奸騙殘暴覆人之國滅人之種何哉韓國以微弱之故而  
僻抑不得自達終於死滅而已則河貴乎萬國公法何有乎萬  
國和平哉且天下萬國既已許我韓之獨立而保其平等之權  
與之締結信約建設公館使臣相通矣一旦爲日本所斥退更  
不知我韓之爲何狀則亦萬國之所不憤不恥乎今此和平之  
會一伸張公理摧抑強權之實行日也驚天動地之德魔皇猶  
可殄戮何獨憚於日本小酋乎針微丸小之暹羅瑞西猶可許  
其獨立何獨無情於我韓哉竊以爲此事不白則我韓二千萬  
生命滅矣日本之國民決矣天下萬國亦且爲無信無義之屬  
而皆不足以自立於天地之間矣遂之一言非獨爲我韓也抑

一七

亦爲日本也非獨爲日本也抑亦爲天下萬國也噫古之人以一物不得其所爲大恥况今爲我韓爲日本爲天下者乎伏惟諸位閣下淵然深思曠然遠覺思所以共享和平之道招致日本代表詢其情狀如其所言無以遁其情則昭布天下使敵邦

## 聲討日人弑逆文

痛彼島國倭種悍毒如蝮虺謫詐如狐鼠對吾韓族殘忍不道慘無人理虐我以世界所無之禍變汚我以萬劫難洗之恥辱言至於此奚啻膽裂骨碎哉彼始以扶我獨立累行聲明於天下旋鞠保護竟於合併據我宗社奴我人民奪我產業害我生命奇刑酷罰無所不至此固吾族不能與彼俱生者而况又加以不共一天之至冤深仇乎彼之圖吾國也所忌者惟我光武皇帝及明成皇后耳千八百六五年彼謂我明成皇后有聯俄破日之圖白晝率兵闖入宮闈直以白刃刺我皇后仍收尸體而火之廣島裁判彼亦掩諱不得而凶手則漏法矣今又光武皇帝之暴崩亦由彼之進毒萬口喧傳明證已露彼蓋認帝爲排日之魁矣伊藤之勒締保護條約也被帝嚴詞拒絕蓄憾已深地方人民有起義之事則曰帝之所使也各國政客爲祖我之詞則曰帝之所賂也宮內各官偏袒日人關門守直盡派日人宮人出入必行檢查陰伺密探極其周密攘奪皇室財

復其舊權以免陰崖覆盆之冤如謂遂之饒舌誣陳乞與日本之代表對同質判於萬國公會之席遂果然理弱思屈則遂自斬吾舌自斷吾頭碎吾腹離吾肢體以自服誣人欺天下之極律白日在上不敢虛妄掬血泣書言不知裁唯諸公鑒察焉

姜石

產不留餘金縛束御座起居毫無自由一千九百五年以派使和蘭之故逼帝禪位隔離父子置之孤獨彼猶不釋疑慮捏造虛言欲加實害安重根之刺伊藤也彼又誣稱帝之所使而幸賴重根明辨痛斥奸不得售彼之勒行合併也不得帝認又其所恨也今者歐洲之戰爭告終萬國之和平方開民族自主許其自決吾族亦勃勃欲動彼於此時忘帝尤深欲逼受合併歎迎之文字而不得認可又欲逼御駕渡日使完用奏達而帝亦不許彼乃決行暗殺之計以一月二十一日下午十二時置毒於醴酒食醴而進之刻即叫天撞地蹴倒門屏厥明上午四時遂崩尸體皆真紅色腹部破裂淡紅水流出八疊厚褥盡濕此醫官及皇族侍臣等因殮襲而見之者也官女金福伊內侍金錫勳之暴死亦由彼之滅口計也種種証據不一而足國民壓於彼威雖不敢明言討賊而含憤懷怒喧播內外漢城各坊有揭榜書曰知耶未耶彼恐歐和藥殺我皇云嗚呼人不可瞞天

可欺乎日月在上神明共鑒彼焉能終諱哉凡我二千萬衆咸  
感此狀齊奮義怒公佈於世界耳目期使此案歸決於萬國公

判嚴討凶賊少伸冤復是吾族義務之萬一也

## 趙衡均文一平等十一人致倭督長谷川書（大陸報）

長谷川伯爵閣下余等謹掬誠上請願書三月一日之宣言書  
雖只由代表三十三人簽名實基於全韓國民之心理余等知  
上帝必嘉納此宣言也余等繼此三十三人而起代表二千萬  
韓人發表獨立之志願閣下確認余等非過去時代之韓人乃  
新世紀之韓人而了然思時代之潮流與文明之進路者也文  
明促進吾人抱此思想故韓國獨立之呼籲與人道相符合與  
時勢相並行與上帝之命相倚此吾人之所深信也閣下亦知  
韓國獨立實關係東亞之和平乎嘗韓國被合併時歷次宣言  
於世界者不曾云朝鮮國防不足為隣國之魚肉即因此為亞  
洲之障礙乎此實日本合併韓國之惟一策也願閣下於此加  
之意

今也新世紀已推倒武力主義而建立人道真理之主治勢力  
之說已去而平和與真理在吾人之前然乎否乎閣下請聽余  
等言余等韓民非欲以武力恢復國家自由但訴之於人道此  
吾韓國獨立宣言之所以為正當遠東之和平全視韓獨立之  
成否請以此問中國問俄國問世界誰不曰然閣下仁且智勿

趙衡均文一平等十一人致倭督長谷川書

以請願為輕率舉動而徒加阻遏也余等有二千萬之韓人在  
為後援以其志願為余等目的與要求之後勤余等無所恃於  
絲毫之武力但深信正義人道必求到達而後已若閣下以武  
力制抑余等所貫持之正義人道雖暫時不得伸獨不能污點  
於閣下之良心且辱及日本之名譽乎願閣下慎思之



## 在中俄兩領之韓族宣佈獨立

中領之奉吉黑三省俄領之西伯利亞與吾國之獨立有絕大關係蓋此兩領土地之廣輪輿物產之豐富十倍日本使日本得據此而展其長足則將有十倍於現時日本者出抵制歐美而有餘吾國在其懷抱之內豈有活動之餘地乎若使吾族尚抱於舊日越境之禁而不能投江北一步則至于今日安有數百萬韓族之宣布獨立於海外者乎是殆天佑吾族以七八十年之歲月得天然之移植準備今日獨立之後援者也蓋吾族毫無所藉於政府之保護而能以赤身披荆斬棘墾荒作業勤苦忍耐漸致發展縱橫數萬里無往不有韓人村落此兩領之開拓大抵多吾族之力也數十年來吾黨之士亦認此為活動之地杖策渡江項背相接提倡教育鼓發祖國思想教堂學塾隨處相望殆蒸蒸日進矣今日日本乘中之弱俄之亂而先收三省為己有而劍履且及於西伯利亞然此兩領為各國競逐之場為東亞治亂之要點而俄之民黨竭其死力與日人決鬪則日人之得志未可知也使日人而敗退於此則俄民之自由風潮必能戰勝日人之軍國主義而惹起世界之大革命亦新舊氣運消長之樞紐也留心時局者可不十分注目乎哉余於昨年夏到俄領之雙城適吾族之各校學徒為聯合運動感而賦

詩曰

太白之陰黑水灣天教此地開新韓  
鷄鳴狗吠七千里豹隱龍藏  
百萬圍到處忻逢吾伯叔如今始復舊衣冠  
雙城此日無窮感各校旗前太極竿

是時吾族有地方民會雙城有中央總會勵行自治發行機關報囑余助之及夫歐戰告終各國開平和大會于法京巴黎吾族亦據民族自決主義議遣代表二人于巴黎而尹海高昌一當選前往改中央總會為國民議會聞內地各處有獨立運動準備一律舉行

三月十三日在中領亞北之吾族開獨立祝賀會于瑞甸之野父老昆弟與男女學生皆踴躍赴會衆至三萬宣布獨立

三月十七日在俄領之國民議會開會于海參威宣布獨立將宣言書投各國領事館美法兩領事均表同意而俄民全體尤表歡迎曰我等不意韓人有如此毅力彼手無寸鐵而供死求獨立我等猶有鎗砲之力而乃讓國權于他人乎由此俄民之排日思想愈勃勃焉於是吾族之在俄領各地者均宣布獨立老人同盟團發生於海參威其主旨以青年子弟皆潑血於獨立而所謂老人迫於幸榆暮景冥頑苟生失其榮死可乎不句

日而響應者數千人組織已完特派代表李發鄭致允尹余五車大帽安泰純五老入京城在鐘路中央聚集多乘痛演獨立主旨將宣言書授與衆人且投獨立請願書于日人總督府高建太極旗疾呼獨立萬歲日警欲捕之李發大怒雖不受辱引刀自刎鮮血淋漓日警奪刀救之擁至大韓醫院治療數十日乃憫李發鄭致允之衰癯令其兵巡護還于俄領本第將尹車安三人投獄處役一年有半李發吾國著名革命家李東暈之父安泰純安義士重之季父也

### 老人同盟團致日本政府書

竊以鄙等喪國餘喘淪落異域衰朽瘠疾分甘填壑矣屬茲敵邦人民血爭獨立大演慘劇之日殊邦各族亦皆爲之驚心悚目而况鄙等係父老親屬忍令我青年子弟獨就死地而偷視傍觀乎哉所以同盟宣誓期表區區分義而顧念敵邦青年甘冒白刃而出此者豈專以死爲快哉惟其血誠宜爲謀國民之幸福者故鄙等亦不以徒死爲榮而爲兩國之利害關係粗有研究者茲敢冒昧仰陳伏惟垂察焉蓋貴國素熱心主張於敵邦之獨立屢行聲明于天下竟乃破壞而爲合併也豈不曰維持東洋平和增進人民之幸福而今適乃得其反則政策之得失亦合有更商者矣貴國以戰勝清露之威獨霸東亞合併敵邦沛然無礙則政府貴固放心揚言曰我已帖服韓人同化韓

在中俄兩領之韓族宣布獨立

人而詎意其內情之有不然者乎夫以強大吞併弱小何國蔑有而若其人種之資格相等宗教歷史語言文字各有國性之傳守者則縱能強合於一時而終乃分離獨立者各國之慣例也以敵邦言之當貴國政治維新教育發達舉國人民大有振作之日乃謬守舊習自取積弱則優勝劣敗勢所必至烏得免乎哉然人種之資格也歷史之根基也宗教之勢力也文學之普及也勞農之發展也大局之關係也時勢之動機也均有不可合併之原因請試陳之以言乎人種之資格則敵邦人種決非劣於他族者也貴國一千年前文物悉出于敵邦略言其概則百濟王仁之文學曰羅之兵學觀勒之天文地理歷法高句麗慈灌之佛經毛治之醫學新羅天日鎗之物品李朝李滉之道學俱爲貴國人民之至今紀念者至若李舜臣之創造龜船爲世界鐵艦之鼻祖貴國講家誦之不置以若是之人種豈其終甘於爲人奴隸者乎此不可合併者一也以言乎歷史之根基則敵邦有四千二百餘年之歷史徵諸山海經及禹穴碑可據其爲世界之古國矣人文夙闢倫理修明忠義道德之植本已固發源已長言語風俗皆含育其精神山川草木盡衣被其聲光凡有血氣賦均國性有不依文字而立者貴政府雖假借教育欲以變棄舊籍改造新本爲變易民腦之方針而決難爲功大抵國體雖毀而國魂不滅則必有復活之日此不可合併

二一

者二也宗教則大條教創自古代信念國祖儒佛二教有千五百年之歷史而篤於保守天道教發生於近代性喜冒險輕生樂死有革命之性質基督教來自米洲宣佈米化而華盛頓之獨立歷史深印於信徒之腦髓且年來敵邦人士無政治社會之可以翔翔者故胥趨教會而周旋無論何教均有政治思想而日新月盛甚形發達非貴國教力之所能征服此不可合併者也文學則敵邦文學極爲簡便國民之識字者殆占全數國文書籍人人能讀苟加以新式之教育者一變至道與世界文明之族聯武併駕指日可期獨立思想自然普及此不可合併者四也以勞農之發展言之敵邦農業國也工商程度遠遜於他國故逐利敏活發明物質則遜乎不及而勤儉質朴保守國性則有餘而况現世勞農之力太有不可每者乎蓋昔者勞農社會無政治思想故居上流地位者謂其馴良易使也世運愈進民智愈開而勞農以最多數之衆居最不平之位政治思想漸入其腦因以釀出革命風潮直有開拓新世界之狀況矣敵邦人民處貴國束縛之下萬般事業日見退縮而惟勞農之發展出於天演沛然有不可遏者蓋他國人民之移殖于外者皆藉政府之用武糜財而敵邦人民毫無所藉能以赤身披荆斬棘移住新地在中俄領者數百萬在美領者殆至一萬而忍辛耐苦能做事業教堂學塾隨處相與皆勞農之力也夫勞農

之發展如此保守國性又如此則謂我二千萬均有政治思想可也豈樂爲受治於人者哉此不可合併者五也以大局之關係言之現白人之勢力囊括全球而在東亞惟貴國獨任保障爲其唇齒者莫敵邦若也使兩國人民互相提挈人莫問焉則其爲保障尤不鞏固乎若使敵邦人民偏抱苦痛惹起不平則蕭牆之禍最難防止必爲他人所乘此不可合併者六也以時勢之動機言之今全球人類之思想皆憎惡專制嫉視強權自由平等之風潮將易世界而新之大勢所驅孰能抵止此乃天意之自然人道之大同也敵邦人民豈其獨安於牢獄生活而不求自由平等之幸福乎此不可合併者七也凡此諸種皆確係實際毫無虛飾來頭結果必不外是貴政府蓋亦三思而改圖乎今貴政府怒敵邦人民之奮呼獨立直以強壓政策慘施殺戮半島江山怨血漲天雖得一時之帖然而人心之不服由此益深烏有殺其父兄而親其子弟者乎徒播惡聲於世界而種禍孽於無窮鄙等愚陋誠未曉何以出此也竊聞貴政府有言曰朝鮮現無實力而若既其獨立則必轉依他強致啓外衅難保東洋平和云此但據既往而言耳今敵邦民智之程度非比曩時必不以既得之獨立移授他人復蹈覆轍而亦能講究大勢審於擇交矣在昔專制時代當局之貪於政權者要挾外勢以固其位故朝暮暮楚恣其劣行債誤國是者有之今之有

國而為治者必合輿論而為國是則國際交涉當以大局為重以國家之利害為決案豈容有徇私而顛倒國交者哉貴國於今日還我獨立則敵邦以明日握手永以為好即人民之一般心理也但若不獲自主厄於羸絆之故咸思脫離決死血爭貴政府指此為排日行動而獨不知其為真正親日永遠親日者

## 朝鮮代表在和會之請願書

此次朝鮮代表金奎植氏在巴黎和會提出請願書請求離日本之束縛改造朝鮮為一獨立國家其事不特聳動世界耳目兼與東方受侮民族以最大之刺激教訓實為一緊要事實我國研究者不可忽略者也朝鮮之亡國在中國幾視為既定事實而一朝突受世界潮流之感動乃演此空前之悲劇人種苟存其力量可得麻痺而不可得消亡於此益可證之而對此於請願歐洲人之態度正亦在可研究之列日本國民對於此之應付如何為朝鮮人計當採如何之方針均屬吾人所應知者故略述其實加以論評

其請願書(由英文譯出)全文如下

敬啟

(一)高麗民族有一定之國民生活及文化者四千二百餘年為亞洲歷史的一國家此四十二世紀之中大部分之

朝鮮代表在和會之請願

耶且敵邦人民不狹武器徒手以奮而能得獨立者孰謂貴國力絀而與之哉必認此舉斷斷乎出於正義也神人胥悅山河重新光照四方澤流萬世豈不休哉豈不盛哉乞早施願算率我大局福我同種千萬祈祝之至

代表 金致甫 崔秉城 朴殷植 徐相矩 朴熙平  
金舜若 韓承烈 姜文伯 朱子漸 徐良

時期高麗享國有家獨立

### 經承認之高麗獨立

(二)以日本英國美國其他國家與高麗政府所定修好通商條約中已經承認高麗之繼續存在為一獨立主權國在一八八二年五月二十二日高麗與美國在漢城所訂條約切實聲明有云「萬一兩國中有一國受別國不平或壓迫則以通知於締約他國其國當以其盡力使該事項解決有利以示友誼」又在一八九五年四月十七日之馬關條約日本要求中國確認「高麗之完全獨立自治」在第一次英日同盟(一九〇二年正月定訂)協定日英兩國承認且允保護高麗之獨立最後高麗日本間一九〇四年之攻守同盟條約日本特別保證高麗之獨立與保全

二三

高麗獨立爲國際的信託

(三)此等條約不僅承認保證高麗之獨立存在爲一主權國也實依於國際之權威與公認以爲基礎而有一國家欲凌蔑之者實難逃他國之干涉矯正之也

※ 日本侵犯高麗獨立

(四)而日本實侵犯高麗之獨立當時日本政府一依於欺詐與脅迫一強逼締結一九一〇年八月二十二日之條約以此條約當時高麗皇帝稱言以高麗全國主權并當時一千五百餘萬人民完全永遠讓與「日本皇帝陛下」

高麗人之反抗

(五)以其侵犯高麗主權而以此一國併爲日本之一省故高麗人民曾經極力反抗現尙不休

六)此種反對日增日烈以日本統治高麗所用方法使之然也此其方法實倣效普國之治東邊諸省及修列斯維何倫斯坦(案此爲德國前奪自丹麥者)暨阿爾薩斯鹿林者而行之無所寬容不遺餘力日本於名義於實際均決定變高麗爲日本之一省其達此目的則以慘酷之待遇圖滅絕愛國主義之根抵一愛國心國語國史一又獨攬教育及財富一事而資之以撲滅高麗人愛國心

日本之獨攬高麗教育及財富

(七)不論何種現代教育尙超過一定程度足以鼓舞寺內伯爵一合併高麗之日本統暨一所謂「危險思想」者或則全被禁止或則於日本政府監理之下爲糟粕之教授而高麗學生即以自費欲求往學於歐美者亦概被禁止

(八)一切高麗富人殆皆被逼用一日本支配人在其家中理其財產及其收支而高麗人存款於銀行者一其銀行皆日本所設而非將用錢目的報告銀行則一時不能提回存款中之鉅額

日本與基督教

(九)日本當局設種種方法使基督教會在高麗之傳道事業失敗斷望以爲此實反對日本在此半島之根本利益者也而用警察力以爲之者尤多即此豈不足見日本人在高麗所爲實際視基督教爲一大力能阻日本在此邦政治系統之成功

日本人之高麗

(十)日本當局自稱已加改良於高麗然當記憶「改良之大多數以其價值論可以於改良流刑植民地見之」紐約(高麗迫害事件)而其全數固皆以高麗人工及高麗納稅人之財力爲日本人之利益及日本之便利爲之

而日當周則爲此暨囊括高麗以爲消容此輩之殖民地也

(十一)日本之統治管理高麗全爲宗主國的統治如謂爲私利的國民統治則尤明切矣除却以畜牧者主人視其奴隸家畜爲其財產而愛護之之感情以外高麗之公安未嘗入日本政治之計畫也

### 反對全世界之日本

(十二)在高麗人民之困厄固爲要求高麗分離解除日本對其人民之束縛之直接理由而又以世界重要利益有關！此中法國亞洲之利益與英美兩國在亞洲及太平洋之利爲尤！益使其理由矣

(十三)關於商業貿易日本排斥西人在高麗之商賈收從來高麗與外國訂立修好通商條約所與之利益盡歸日本商人手中其排斥西方競爭商人也日本實繼續甚久而在昔時彼固強守孤立在今日彼猶以此脅威將排除西人在東亞之勢力而以汗漬之遼東門羅主義適用焉

### 日本之陸政策

(十四)此固爲日本甚長遠之政治計畫而觸及法國及英美重要利益者也！而其繼續併合高麗實爲之顯示！日本以外之國家之危險(英美法均在其內)無不在於

朝鮮代表在和會之請願

日本之無際限大陸政策實行一事此種政策計畫第一在統轄管理中國之人力富源以擷取亞洲霸權！以日本之保有高麗爲大陸上根據地使之可能！第二則支配太平洋以爲惟一手段以求日本移民入澳洲美國無限之門戶

### 實現之政策

(十五)日本之大陸政策已於事實現出如下

(甲)以其兩次戰爭成功使彼成爲亞洲最大陸軍國恰似普國再戰再勝而爲歐洲最大陸軍國

(乙)以其併合高麗

(丙)以其在兩滿東內蒙以日本代中國施其威權

(丁)以其企圖在和會中求得承繼德國所有及特權在中國山東省中者青島亦包在其內

(戊)以其逐漸支配中國併其未開發之人力富源歸於日本管轄一一循用從前所施於高麗之方法其名則曰「政治必要」

(己)又以其赤道北南洋諸島歸日本領有使日本離澳洲更近二千里而以根據地與海軍實際統轄太平洋全地區者也  
高麗之革命

(十六) 以高麗人民對於日本之合併其國及其天皇所委官吏政治壓制進行爲抗拒與反對遂有此次高麗革命出現三月一日午後一時高麗人民及國家宣言獨立此種獨立以國民獨立協會之形行之此協會含有高麗人三百萬圓代表一千八百七十萬在高麗本土暨中國西伯利亞威赫及美國之高麗人達其願望與意志宣言中有曰「求得自由權與吾人自身國民性格之不絕進展以吾人置諸改造世界之主義之下！求吾人之獨立拭去汗損驅除現在爲患貽吾人子孫以永久自由而勿予以苦痛及羞辱之遺產此吾人之神聖義務也」

### 革命之進行

(十七) 高麗代表！以高麗國民獨立協會及其他爲高麗獨立而組織之各團聯合而成之「新高麗青年結合」所遣派者！屢接海電通知報告革命之進行與國民獨立運動在巴黎於去七月接經上海來之高麗國民獨立協會通知其中一部如下「吾人以三月念六日開大示威運動於京城吾人國旗懸於城中山上日本政府拘引參加者二百人兩方各有死傷三兩(即京城以南各省)逐日奮起於東西伯利及滿洲亦行高麗人示威運動

大韓民國

(十八) 同電又報告高麗臨時政府之組織其中包有總統副總統國總鄉內務財政司法軍務各總長政府中有朴泳孝公及李承晚安昌浩李東輝各氏朴泳孝者高麗史中一八八四年急進黨運動五領袖中之一也一八八四年之急進黨推彼爲首以促進高麗現代之改革合併以前一爲內務大臣李承晚者美國哈華大學之學士布命斯頓大學之哲學博士也自一八九四年彼已爲高麗獨立俱樂部(獨立協會)之首領其爲政治上工作也已曾入獄目被械繫安昌浩爲新民會之創設者自一九〇五年已爲青年高麗國民黨(青年愛國黨)之魁首現爲國民會中央總會會長李東輝爲故高麗陸軍參領爲滿洲及西伯利高麗國民黨公認之首領亦曾被日本政府械繫者也

### 日本之壓迫

(十九) 四月十日高麗代表復接一通知內言「自三月一日起以至該日主動的獨立運動之示威運動偏室各地指揮如意代表者(案指高麗本土之代表)以演說及宣言爲之採受動的革命女孩尤爲劇烈敵人(日本)之工場倉庫等皆見罷工吾人之教堂學校倉庫所至皆見被閉鎖男女被囚者三萬二千人里傷者十萬人其中有老

人及婦孺內地運輸杜絕敵人「日本」探殘虐之行動教會現正以真相布告天下」四月十一日高麗代表續接通知備述日本人之殘酷云「日本三月念八日開始大屠殺於高麗在京城三時間之示威運動之際人民無武裝而被殺者過千人鞭打槍擊鉤刺之施諸人民者遠於全高麗慘不忍言教堂學校首領之家屋均被破壞婦人被裸鞭打於羣衆之間而首領家族之婦女尤其其囚者皆加桎梏醫生視察傷者亦被禁止吾人求外國紅十字會急來相助吾人已決心戰至高麗人盡死而後已吾人信上帝之歷相佑也」關於此項一切消愛已見歐美各報吾人惟引最近倫敦泰晤士之東京通信即已足矣此通信載於去四月十七日紙上其題目爲高麗之權利內言「當人人認高麗騷動爲僅能出於同一根源之時日本政府之決定增加駐高麗陸軍定員誘起新聞之批評在一般議論均謂遇有機會以文官總督易武官總督一事必不能免(日日新聞)以此騷動歸於民族自決主義之誤用及宜教師之煽動(時事新報)則證言高麗須改良之處甚多又有其他新聞雜誌論高麗人決非劣等民族

### 取消併合條約

朝鮮代表在和會之請願

(二十)高麗人民要求宣布一九一〇年八月二十二日所締結合併條約無效不復行用或由和議以此請願書及附屬說明書之所述理由宣告取消之理由其理由之尤重要者如左

(第一)該合併條約以詐欺脅迫締結之在其爲法律與爲國際記錄之有效性已經滅失不待計當時高麗皇帝有無權利可將一千五百萬之人民與爲獨立主權國四千年之國土讓與(日本皇帝陛下)也

(第二)高麗人民及國家否認傀儡高麗皇帝有權締結該約關涉及於彼等人非畜類其允諾始終爲該條約有效之貴重條件而此種允諾固從來未嘗與之也

(第三)該合併條約爲日本直接侵犯國際的保證此保證由日本政府與高麗及他國討約認高麗獨立自主而來(第四)在高麗與日本其他各國所定多數條約及日本與中央俄所訂關於高麗各約高麗之爲獨立主權國已經於每一約中明晰承認而其政治上獨立及領土保全亦有多數明白保證其條項實根據於無有一國能侵害人而不受列席於今日和會等之萬國會議之各國所干涉之國際公法基礎者而日本尤不能免

(第五)和會開會所以求依威爾遜總統所提十四條之主

議以決定會中各國事項也而此主義根據於一種見地即一九一八年一月八日總統在國會所朗誦之致書所陳也該致書謂「不問強弱對於一切人民國民及其權利以公道使相與生存於自由安全之均等條件中」夫日本在戰時以為聯軍之一員計已經接受此根於公道主義之十四條項矣而此公道主義已為日本天皇繼續試其「所有高麗全國主權」不待高麗人民國家允諾且反對其抵抗一事蹂躪無餘所以宣言廢棄或布告取消此合併條約一層成為和會權利且成為義務矣

(第六)以國際法上權利與救正各國誤謬之「新公道」之功效高麗人民正當主張其改造高麗為一獨立國家除非此種已經實施以改造分割併合經一世紀半之波蘭及分離普魯西統治下經五十年之阿爾斯羅林之一主義之範圍並不包含高麗在內耳日本實行併合高麗以來至今日不及十年而當歐戰初起未發露日本與中歐一國結同盟之一事一曾受德國訓練之各天皇顧問所常顯露之一種政治聯合一不足以為高麗人民應受損害於和會仍在於彼打消一切法境喋血而爭之主義之貳人政治之下為活之理由也

此請願書以高麗臨時民國政府並住居高麗本土中

國西伯利亞威蘇美國及世界各地其中有五千餘人在「布列斯特力多斯夫克條約前在東方戰場為協約國効力者合計一千八百七十餘萬之高麗人一統稱高麗人民及國家」之名義及責任暨下面簽名之「新韓青年黨」等等所選任高麗代表適當人員金奎植提出之

新韓青年黨代表

大韓國民會代表

大韓民國臨時政府其他代表

金奎植

一九一九年四月於巴黎

此請願書之不能發生直接効果固為人所豫期然此請願書之待出現於巴黎已使高麗人增加無數之勇氣希冀將來更有訴於國際聯盟之機會也



# 中國人之認韓國獨立

四月五日中國廣東省國民議會康基鎬等三百三十一人以承認韓國獨立勸告北京政府電報于巴黎專使請將此重要問題慎重勘辨其概曰

中國依往時條約承認韓國獨立固明確矣韓日合併決非以公式承認者韓國將來與中國有多大關係孫逸仙曰韓國東洋之巴爾幹此問題解決之前永久的平和不能來也日本之對中國政策如二十餘年前朝鮮黨禍之始作矣滿洲蒙古山東揚子江流域之將來皆與韓國問題有密接之關係此重要問題也韓國極讚中國欲脫日本之壓服的支配若韓國問題爲巴黎之舉論者中國庶幾有望矣不然則中國之危殆不遠矣東洋之將來尤極暗澹矣若當今日而世界許持續其壓迫韓國者所謂條約也盟約也不足爲信賴矣故依前日之中日條約承認韓國獨立有再次肯定者云云且提四種理由而論之

## 美人之大韓獨立後援會

今回韓族以徒手倡革命以赤血求獨立雖敵之鎗劍交加死傷山積而毫無沮喪與紛亂之態是何等壯烈何等文明故其

中國人之請認韓國獨立

一韓國問題有世界恆久和平之關係如白耳義之殘虐待遇招致世界戰爭若對韓國而繼續其暴待則因此而將來東洋起世界的戰爭非可知者乎

二韓國之今日境遇因不忠實之條約而成者若巴黎會議許持續韓國之今日現狀者將來條約勿論如何併無價值矣三韓國問題則人類問題若韓國之數千萬民族繼受如此之侮辱待遇則新世界之精神安在乎

四韓國問題與中國有絕大關係中國數千年間與韓國原有密接關係今彼二千萬民族之權利爲日本之永遠無視者滿洲蒙古山東爲其延情中國四億萬民族在共同之危地矣韓國民族古代民族之一文明民族之一聰明不下於日本民族請問對於平和會議而知彼等之聲叫切論與活動乎

影響波及全球讚嘆興起不謀而同於是美洲之費府有大韓獨立後援會即徐載弼博士與同國人士組織一團多得同意

二九

集醜資金當地鐵道會社副社長司其財政聯絡三十餘種之新聞爲其機關徐又周行各地宣傳大韓獨立主旨發表歷史真相徐之夫人美產也亦大發願力合婦女界之有力者爲一團與後援會一致而印刷圖騰文高張散布各教堂以每日祈禱韓之獨立美國又有一婦人雄辯家也會遊歷韓國觀日人虐待之狀大發悲憫遂獻身於韓之獨立通行美國各都會激昆演說喚起公憤聯合婦人會提出請願書于巴黎和會求認

## 在韓美國宣教師致威總統書

余以美國一個公民資格關於朝鮮獨立事實致陳于總統及美政府人民據四月四日巴黎電謂和會將不許朝鮮問題之提議以我總統竭力主張之民族自決主義適用於歐洲民族以戰事關係而被其壓迫者云余極疑此說之不可信矣更接電信自和會聽受朝鮮人之呼籲云實獲我心矣巴黎和會之態度勿論如何我總統及美國人民愛自由與正義無異生命對於韓人之陷溺於水深火熱之中而決無不顧之理矣總統以三月三日寄書于斐律賓獨立請願團云使小民族前進安穩爲和會重要事件余認此義必適用於高麗矣余寓居遠東多年在朝鮮日本兩地能解日語韓語者也嘗韓人獨立運動時余適在韓國目視一切情形與韓人交談洞悉韓國之實相

### 韓國獨立

記者曰彼西方美人若是同情於吾韓獨立者豈徐博士一人之能力耶實天之所使也何則天之賦人以良心者初無異洲異種之間吾族之義舉爲彼良心之激感者故如是耳惟中國與吾韓不特有種族上氣類之相感而目下情形尤處同舟遇風之急忍取隔岸觀火之態耶吾信四億萬之同情尤有切於西方美人者矣

者多全國各地獨立運動之進行一月有餘尙無止息之狀況蓋韓人此舉極表其材能與勇敢之組織令人驚異日人之處理此舉極其野蠻殘酷毫無情理者屢次顯著非余親見難以准信也蓋韓人之運動純以和平的抵抗其所對付者宜如何審慎小心而乃日本官與兵士等行動無異於無法律之蠻人也捕縛老人幼兒加以囚毆一般婦人與女學生至僅十歲之幼女均被侮辱可恥可痛莫可形容又加身體上酷刑彼其罪名不過手執紙製國旗高唱萬歲和平表示愛國熱心願求日本莊嚴保證朝鮮之獨立而已三月一日以來目視朝鮮全國之如此事情者教師數師及數十人之公眼而彼日人百方設法不知其真相也頃得一報告在某城之教士大受日人之

迫辱侮或教士再有傳出則即被其驅逐云此間有一美國人被捕下獄又余所目觀也略記日人之虐行如左

一 學校小學生被日兵之打創痛毆殘酷達於極度

二 對婦女之呼萬歲者發鎗轟擊

三 十歲幼童之背部被鎗擊致死

四 六十五歲之老人初無抵抗之事而日兵加以交打亂槍

五 女學生二十餘人由公共道路安然以行而日兵追趕以鎗擊之以足踢之其暴虐無道介觀者血沸

六 日本消防隊持長鐵鉤追擊男女幼童

七 一韓人以麻木症病臥醫院而日兵以鐵鉤打破頭部

八 日兵對重傷幾死之男女鎗擊背部

九 韓人二名被重傷不能運動而縛載板車挪入獄中

十 韓人約百名被日兵毆打衣之全體盡裂汚血遍身而細縛以繩投入獄中

十一 初不參預於運動而傍觀者皆被日人亂打

十二 美國教士在自已住宅向外觀望亦被逮捕

十三 對於婦女以槍打倒踢入溝中

以上所列不過略舉數端而已其餘他人所見尙多尤惡之事今日本代表方在和會論人道正義與種族平等而在韓國之舉動如此自其警察署及獄中所行之私刑尤

在韓國宜教師致威總統書

極黑暗懸人於十字架亂行毆打亦曾見之此等酷刑爲何而設乎韓人併無暴動與抗拒不帶凶器而呼籲獨立運動紙旗而已日人以捕風捉影查講獨立運動之結果乃謂教師之發起日人偵探均着韓服潛入韓人會集之所使韓人奸詐入外人住宅勒行搜索而捕去余家之廚夫與韓人書記種種詰問加以毆擊使韓人之爲默教者作其瓜牙彼若無可報之事則輒爲誣報無辜之被捕者亦多警署則以先毆打而後訊問爲恆例日本之威力顯著基督教徒之受辱尤重獨立運動之倡起以後余視察數處日人之非法暴行如出一轍韓人牧師有言曰吾輩亦人而日本打我如牛羊是可忍乎韓人爲和平的運動而日人以野蠻的手段加以刺激目下韓人忍無可忍一切形勢不遑顧及矣以後形勢之如何不能預言而目下形勢決不可長久任置使人受其影響即其事實也

# 在中國北京之外國宣教師致日本皇帝及各國政府書

在北京之外國宣教師會以個人為自己之獨立抗拒日本之束縛起革命運動其結果受無限之苦楚陷慘酷之情形本教會對此而深表同情且對於在韓之各教會均彼慘狀瀝同感之淚如河海也

日本兵丁巡查等加以暴行虐殺於無罪之韓國良民明確報

## 天道教之革命血

天道教者吾族教派之含有社會主義者也蓋其所講之教理未有社會學說之同調而其天然的行動暗合於社會主義者多豈非吾族思想已為世界新潮之先導者耶倡該教之崔濟愚崔時亨孫秉熙諸氏均起自下流平民而教會全體純以平民組織者一也三十年前之革命運動有三十萬之流血而為除貴族家官僚派之專橫壓制而起者二也以均分富人財產之說配於秦檜三也至于今日為脫日本之壓迫而復平等自由之權冒死敢鬪流血之慘比他教為多者四也全於十年前與該教主孫秉熙氏交談孫謂其徒達於五百萬則徒手以起獨立可復云而今吾族竟以徒手倡世界未有之革命亦可謂其言之驗也今日為社會主義與帝國主義交戰之時代而三

告非止三次彼又對於婦人及女學生野蠻的行動極其無狀本教會深望日本帝國政府及日本皇帝陛下以何等方法鎮壓日本官憲兵丁巡查等之蠻行暴力又望特別調查其殘暴莫甚之行動者定以相當之罪嚴重處罰云云

百萬教徒為社會黨之健將亦可也且吾族之徒手革命果能有成功之結果者凡世界之軍閥派與武器各種失其勢力而弭兵之論見諸實行大地人生共享太平之福將有其日也則吾族之革命豈不為最神聖之革命乎



# 高麗女子愛國精神


中美新聞社大陸報云有一西國女教士近往高麗調查日人對待韓人情形頃甫回滬據述日人對待韓國少女非常酷虐無第此女教士之姓名未便發表但其人夙有資望故其情形之確鑿毫無疑問據彼云目下韓國儼然在暗黑時代道德學問極高之少女輒被投入獄中加以不可形容之虐待致心理上及生理上均受破壞者甚多然韓民獨立精神非常宏偉百折不撓雖死不悔故對於日兵日警既已無所畏懼日人每誣外國教士從中唆使實則毫無根據韓人之求獨立全出於自動該女教士得有種種文件證據內有一件係一日官審訊一女學生之案由記錄其中述該女生不遵師長之教在街上持韓國國旗高呼自由獨立日人捕之褫其衣服縛於一木架面門下以竹板撲之其他種慘刑不勝枚舉此等女學生均富於愛國心學識優裕亦有能選英文論者彼等之揚旗高呼不過一種消極的愛國舉動與上海罷課之中國女學生無異而日人則待之如寇讎有一女學生之名馬利者在法庭就訊時日官問之曰汝思想高麗獨立已幾何時矣馬利答曰吾心中無時不思想獨立日官曰汝何以欲與男子同運動獨立馬利曰世間萬事之成功者皆由於男女共同爲之好家庭須夫婦同造

高麗愛國女子精神

好國家亦須男女協力作成之間汝何以信獨立爲須要曰我乃高麗人自望要高麗獨立曰汝既受教育當另有特別理由試盡言之曰我不願盡以我之思想告汝曰汝以爲日韓合併與日本政府之政策若何馬利曰高麗決不應合併於日本至於汝政府之治韓全不公道正與德國待其屬地無異日官曰汝欲高麗獨立究另有理由否曰我有三理由一爲謀高麗之幸福二爲謀日本帝國之幸福三爲謀世界之平和第一高麗與日本歷史風俗言語完全不同日本決不能同化之我前皇與人民均不願合併前皇之署合併條約係爲日人武力所迫使十年以來韓國國民謀獨立前仆後繼備受一切痛苦至死靡悔男女老幼全國一心無一人不願獨立者二則韓民既不願受日本之控制無論汝日本如何壓制叛亂終不能免則爲汝日本安全計亦以許韓人獨立爲宜三則韓日兩國時時衝突即遠東無和平亦即全世界無和平故爲世界和平計亦應令高麗獨立也日官問汝所設語或誤第汝何所憶以求得獨立者特美國乎武力乎抑和平會議乎馬利曰我特上帝我不恃美國亦不恃武力當時日本併韓亦非由征服乃由會議故我亦望與汝政府以情理談判恢復獨立日官曰汝既無把握

三三三

何以致如此鹵莽行事馬利曰事由人爲成敗則在天我雖往  
竊無能亦必爲國家出力日官曰汝既受教育當拋棄此項禪  
量與偏見勉力與日人同化馬利曰我不能我爲高麗人必望  
高麗獨立云云此外尙有一鄉村女子名張雪者居於內地一  
小村中聞得獨立運動之風聲彼即信此說必係確實遂不告  
人知自做葬衣一襲一日着此赴警署之前大聲高呼獨立萬  
歲日警立捕此奇女詢以何人教汝如此張雪謂無人教我日  
警謂既無人教何以汝知呼萬歲張雪答曰鷄至天曉則啼果  
誰教之乎我國獨立之日已見曙光故我自呼萬歲耳一二日  
後日警將其兩手加挺投獄彼又咬破被縛之手指以血於衣  
襟上書獨立二字其家人知之送飯入獄張雪不欲食此較良  
之食物願與獄中人同甘苦且願作種種苦工全無怨言至於  
前述之馬利其運命如何尙未探悉然如此高尚奇偉之女子  
其不容於日官可斷言也然而高麗已在復活女子之英俊無  
殊於男子惟種種奮闘如何繼續支持令人思之不寒而慄現  
各監獄已有人滿之患女子之禁錮期自三月以至三年不等  
有一少年女教員謂人云彼不怕流血但願繼彼而起者能  
平快而生活云噫亦的烈矣




水原倭兵岩里之行跡之慘狀



夫喪子之老母之幼妻

水原堤壁行里之慘狀

三四月十七日倭兵一隊入水原堤壁里聚集  
 十餘名入于耶蘇致會堂男界堤壁里并集



前於立警倭及一師無兒小西人婦之察視  
 面於立警倭及一師無兒小西人婦之察視

# 韓國僧侶聯合大會宣言書

吾等七千餘韓人僧侶敬於二千萬同胞及世界萬國之前宣言吾等絕對排斥在韓國之日本統治與主張大韓民國之獨立

佛法宗旨在平等與慈悲反於此者皆佛法之敵也而日本不徇白稱尊崇佛法竟耽溺於前世紀遺物之侵略主義軍國主義類出無名之師擾亂人類平和甚至恃其強暴侵犯身受教化恩惠之鄰邦滅其國奪其自由虐其民致令二千萬生靈悲聲登於道塗尤自今年三月一日以來大韓民族極平和之手段行極正當之要求乃日本益肆行暴虐殺戮萬無辜之男女嗚呼日本之罪惡極矣斯矣吾等已不能再守沈默袖手而傍觀之

頃由全民族代表三十三人發表獨立宣言時我等佛教徒中有韓龍雲白龍城兩氏曾參加其役此後我佛徒中獻身輸財奔走於獨立運動者實不乏其人而日本並不懺悔前過益且增設軍警以施壓迫政策並於一面以不正之手段驅嚇無賴以欲增加其種種罪惡與二千萬生靈之苦惱今我等忍無可忍夫當不義而壓正義蒼生苦於塗炭之時仗劍而起有所對抗此我歷代古祖諸德之遺風也矧生為大韓國民之我等哉

韓國僧侶聯合大會宣言書

願我佛之入韓土於今已二千年中至李朝雖不免若干壓迫歷代朝家莫不崇師而擁護之其發達之隆盛冠絕世界佛教史上導入彼日本人於佛陀之慈悲中者亦我大韓佛教也當壬辰之役與其他一旦危急之秋諸祖師比丘犧牲身命以擁護國家此歷史所昭示而實為國民盡其對國家之義務蓋以國家與佛教之因緣甚深也日本以強暴詭譎之手段合併韓國以來全然蔑視韓國歷史與民族的傳統及文化而欲以日本同化政策與壓迫政策全滅韓人種族我佛教亦為其毒手之犧牲於強制之日本化及苛酷之法令之束縛下喪失二千年來由國家保護所享得之自由致令特有歷代祖師之遺風與有榮光之大韓佛教行將陷於湮沒滅絕之慘境

我今已起矣我等韓人之七千餘僧侶以大韓之國民為完成大韓國家之自由與獨立為救出且有二千年有榮光歷史之大韓佛教於日本化及滅絕而結束共起矣夫此矢死報國之發願與重犧牲之義氣孰能阻止遏住業經一次結束奮起之我等於獻修大願成就之大齋以前惟有前進而血戰哉

三五

## 韓國耶穌教代表告中國耶穌教會書

基督真理光溢四表環球人類即勿論種族殊異勿限邦國瞻域勿拘文野差別得聞福音大道皆旋踵於死亡之坑日趨於生命之途者難以悉計矣我韓僻在東亞一隅自歐美來傳福音較遲各國之後距今三十餘年前英美宣教師涉重洋冒萬險傳播吾主之真理使久處陰翳之人民覩其光而得救者計以百萬則偏被上帝之厚眷亦足以自矜於列邦矣在昔暗昧時代基督信徒往往有遭壓迫可質於史冊迄今二十世紀信教自由為確乎一定之鐵案則號稱文明之國悍然敢肆蠻行乃絕無僅有之事也噫彼島夷小醜世為我讎交聘久絕一自開關通商以後修使相問忘舊日之惡啓將來之新好以其忝在隣壤有輔車唇齒之勢故也彼所謂古代文明何莫非找出而以其吸收西歐之文化差早於我巍然自處以東洋之霸主視我無偏利我衰微煽弄權奸甘言以誘之逞強以脅之全國利源如礦山鐵路森林漁採無一不為彼所占其怒恣尙此無厭若通信若警察若外交次第占據隨以解散軍隊使我莫能措其手足然後遂至於併合則其聲明各國保證我韓獨立只為欺瞞列強之狡滑手段而勒成七條五條之約朝盟夕改顧無信義貴邦人士亦已諒解矣當併合之初其宣言中信教目

由一條只不過紙上空文而由來十年之間嫉視韓國基督教會日甚一日其壓迫政策愈出愈幻或與誣獄株連教會內教役者教育家慈善家青年學生三四百人用前古所無之酷刑鍛煉成獄死亡過半經年未決或取締宗教學校使日人監視教員及教授毫無自由種種以陰誑之手段沮壓壓迫撤廢宗教學校為政策上唯一之目的或制定布教規則傳道集會等說一切拘束使韓國教會期欲撲滅則彼之設心做計誠極巧且毒矣

今年三月一日自韓國京城獨立宣言以來全國響應以至海外僑民亦同聲而奮起其首腦之人物即基督教儒教佛教天道教等各團體首領也此輩為國民之先覺深切感觸獨立自主之為必要不忍見二千萬無辜生靈以陪於塗炭供其魚肉故乃率先宣言獨立也是盡個人之責任履行為國民一分子之義務決非基督教會個體獨為倡施也彼日人以此為撲滅教會之一機會首先囑彼機關報指斥基督教為邪教且謂獨立運動乃教會所主倡使憲兵警吏擔銃騎馬一如臨敵橫行各郡肆行虐殺少無顧忌其迫害之事實殆有過於古昔羅馬時代尼魯皇之所為當二十世紀今日此等蠻行非夢想所料

而自許以東洋先進國之日本敢行此非人道的殘行對手無寸鐵之人民毒彈長劍任意射擊所過無不殘滅死傷過十餘萬人拘繫於牢狴者爲三十餘萬人日以拷掠求死而不得死其慘忍景况雖木石亦感動豈圖此等無理之殘酷生於文明今日之世耶各國報紙概有所傳不能寫其真狀之萬一彼日人則亦指以誣報故茲錄其一二以證之

四月十日日憲兵中尉率兵一隊來到水原郡堪岩里有所謂示會黨人民於教會堂即爲封鎖使軍兵包圍射擊無一逃生仍以放火部落爲丘墟家屋燒失爲千餘戶人民死傷爲三四百人流離失所者爲五六千人若婦女幼孩肆行刺殺其殘忍慘毒有非筆舌所罄孤兒寡婦奔竄山谷之間風餐露宿棲屑彷徨哭聲徹天不爲凍餓而死者幾希矣四月十七日日憲兵又到水原郡狩川里放火教會堂因以焚燒附近民家數百戶若男女老幼或自火焰中欲有逃生者即爲射擊哀彼無辜宛轉相抱就死於火焰之中間有得存其生命者貯蓄一空將何以謀生兼又農務方殷東疇西郊雖有耕作之施設彼無人道之日警徒以禁遏百里一帶成爲草萊人煙已絕矣且定州郡示威獨立運動之日日兵猝到肆行射擊死傷爲五六百人教會堂及學校全部入於灰燼之中撤毀家屋數十戶使老弱流離失所有一醫士施療於被創垂危者因以破壞其病院同郡

韓國耶穌教代表告中國耶穌教會書

五山學校彼無道日兵亦爲放火全校器具付之一炬其近教會堂亦爲燒却一無子遺慘不可忍言也至若宣川平坡義州瓶山江西釜山孟山朔州谷山全州益山咸興安東元山清州晉州密陽南原等各郡或焚燒教會堂及學校或射擊人民或劫辱婦女或強奪財產種種暴虐手段如出一轍其餘全國內窮鄉僻村無處不當其慘毒之禍雖連編累牘不能盡其慘酷之狀也

天乎冤哉我韓人民有何餘孽遭此歷史上所無之酷禍也教弟等妻子流離兄弟就囚同胞或死於銃劍或亡於桎梏義黨同死頑而逃命非惜此區區之一縷耳環半島三千里山河成無底之深坑驅無辜二十萬人民盡入於其中慘絕悲迫之狀無以暴白於天下故萬里間關來寓滬上舉此事實紹介於歐來之各報館今以罄陳於

中國教會各位兄弟姊妹已於一主之內同受一洗則雖在異洲異族亦表同情之淚況同文同族素有痛癢之關哉唯願鑑此苦衷同深切禱於全能之主教此濱死得享自由幸福血祝不已願吾主基督之豐恩上帝之深愛聖靈之感化恆興其在

亞門

大韓民國耶穌教會代表 牧師 金乘祚 孫貞道 金仁金 趙尙燮 李元益 玄禎

## 日人之酷刑虐殺

日人對吾族之文明舉動加以極野蠻極殘虐之殺戮此世界各人目擊其真相激發其公憤爲我瀛同情之淚者彼雖多方巧諱而庸科揜乎我輩之爲其親屬者苟不能續繼其血而貫徹我獨立目的者不惟爲世界輿論之罪人而亦我兄弟姊妹之罪人也窮天極地其敢忘諸記者每念及此五內如割欲語而淚先零欲書而手已顫者屢矣然而我二千萬之心力爲莫強之武力世界之新思潮新氣運爲莫大之應援而彼之軍國主義侵略政策爲公理所迫已作弩末之形究竟勝利之歸于吾人者確乎可信也傳曰天之假助不善非助之也厚其凶惡而降之罰今彼之惡貫既滿天之降罰不遠伊邇我輩敵彼仇血以謝我兄弟姊妹之忠魂義魄者亦將有日敢不昂乎

蓋以吾族之舉動言之仗五千年歷史之威靈據世界和平民族自決主義期復我自由獨立尊重自己之建設而決不逸走於非他之感情者既明白宣言于天下光明正大較如日月其以三月一日而舉義也我獨立軍之頭領數人先訪倭總督說明全國獨立宣言之理由及勿施壓力勿傷交誼之意義提呈理由書分投獨立宣言書于各國領事館數十人在市街演說高唱大韓獨立萬歲向大漢門會衆數萬因詣壽宮（太皇

殯所）行三鞠躬禮高呼萬歲聲淚俱下仍由西小門過日本町轉入鐘路連呼萬歲義氣勇壯秩序整肅爲各國人之讚嘆不已者乃倭總督多派步騎兵憲兵警卒發鎗彈亂打羣衆捕六百餘人而韓人之演說自若毫無退步孫秉熙以下諸首領在太華館齊舉祝盃且以電話通知于警務總監倭警即來捕之語人皆雍容就因對訊抗辨鑿鑿有理彼乃施以酷刑梁漢默以六十餘歲老人被其撲殺

### 一個月間韓人死傷者

自三月一日至四月一日韓人之被殺傷者以日人努力於揜匿不宣之故難得其詳細實數而據京城通信員所記大略如左

韓人之獨立運動自京城以至各地方均以同日同時而舉旗此其綱繆之密勿聯絡之靈通殆現不可思議之狀況而繼至三月之終其勢愈形擴張日人乃加以不可名狀之殘虐槍刺劍擊若刈草菅即死者三千七百五十名受重傷而歷時經日而死者四千六百名死於獄中者探知無路被縛者逾數萬而俱係生死未知之數也

蓋我兄弟姊妹之被戮於倭兵者均不挾武器而但手揮國旗

口呼萬歲而已倭虜對於年少婦女加以禽獸之蠻行又不許被傷者之醫藥救療令其致斃乃已在鄉村而負傷者爲治療而擔至市中輒加防遏如彼殘忍之甚豈世界人類之所曾有者乎據外人電報云大約千人會集而爲一回運動被害者至七百名又云在一小部落而一週間當慘殺者一百零七人教會堂之被毀壞者十五處也在今年十年前長谷川好道爲鎮壓韓人之反抗而用武虐殺者達於一萬五千云

### 水原堤嚴里之虐殺

倭虜在吾國各地無處不有虐殺之歷史爲吾族萬劫不忘之紀念而至若水原地方之慘劇尤何可忍言哉四月十五日午後倭中尉一名率兵一隊入水原郡南方堤嚴里稱有諭示人民之事召集耶穌教及天道教徒三十餘人于教堂仍堅鎖窗戶縱兵射入堂內有一婦人出其所抱孩兒于窗外曰我即死矣乞活此兒倭兵即槍斫兒腦而殺之堂內諸人幾盡死傷而倭兵又縱火焚教堂有洪某被傷而跳出意外倭兵射殺之有康某之妻以衾裹體匿於墻下倭兵以劍斫之以衾覆之而火之又有洪氏夫人爲救火而來即被射殺幼兒二名亦死有一少婦爲救其夫而來亦被殺在堂而死者二十二人死於庭者六人而尸盡被燒倭又縱火焚采巖里三十一戶延燒八面十五村落三百七十七戶死者三十九人更於其傍近村落加以累

日人之酷殺

日之射擊焚燒以打而死者千餘人時男女老幼奔竄山谷哭聲徹天被刺血衣伏于巖穴擗木藉草風餐露宿有一少女負其老母而走母以病臥草中而飢甚女乃取磁器之碎片採草根以餉之或有以草裹孩而置之巖間者此外國人躬行視察爲之撮影而傳播者也

同郡龍球里有夫婦兩老僂僕鵠形涕淚滿面適逢西洋醫士而自言我今七十一歲婦七十歲有三子三孫乃於四月中旬頃倭兵突入我家喝三子三孫而出即以大索縛之以去故我隨往而見之將行殺也我跪伏于地千萬哀乞則乃怒而逐我併殺六兒於目前以槍刺腹及喉亟請併我殺之而不聽乃以草覆尸而燒之手足耳鼻無一遺者云而老人氣塞不能復言

### 狩川及花樹里之慘殺

四月六日昧爽穩寢未醒猝有砲聲撼屋宇乃倭兵入水原狩川地方縱火焚教堂及民家三十四戶村民欲救火而被炮殺者一人重傷者不知其數四月二十一日朝飯未畢猝聞砲聲倭憲兵巡查等入水原花樹里縱火以焚發鎗以射男女老幼奔避登山倭兵追而射之死傷甚衆該村宜於農產素稱富盛至是而邱墟所儲糧穀盡入於火飢死者亦多有之

西洋宣教師視察該地遇一村人詢其被虐理由答以該村人未有呼萬歲之事但吾韓人以市日在市中呼萬歲而聞多耶

三九

蘇信徒也其爲獨立示威運動也秩序整齊毫無紛亂之態而乃倭巡查一人發鎗殺我人則衆怒如火擊殺巡查至有圍燒分遣所之事然而該村在分遣所二十餘里之外初無關涉於此事何必獨罪此村人乎

據此訂之彼倭虜在水原地方何虐殺之較他忒甚也蓋彼對於當地耶穌教會素懷嫉視乃藉警卒抄害之事爲撲滅教會之機會遂行虐殺於無辜之衆民如此則彼非全世界教會之公敵乎

### 定州之虐殺

定州之城村人民約以市日開示威運動而倭兵偵知其機以先發制人之計將耶穌教會牧師以下諸教職亂行毆打作爲血塊然而民心不以是少沮當日會集者二萬五千冒敵砲呼萬歲獨立軍五十人及觀光者七十餘人併被殺死因縱火焚城內耶穌教堂天道教堂及其學校毀壞李昇薰李明龍趙衡均三人之家屋又毀五山學校打破各種機器焚五山中學校之耶穌教堂損害額至一萬五千元

### 大邱咸安密陽陝川各郡之虐殺

大邱獨立軍之會集者二萬三千而倭兵之射擊而死者二百十二人被傷者八十七人死者之親屬來收尸體倭兵驅而逐之不得飲埋有陳醫士要救療傷者倭兵鎗打而捕去

咸安郡綠東面趙聲根君以獨立軍主謀者被倭兵砲殺趙氏諸族激於其義齊起呼獨立倭又率衆亂射趙氏一門七十餘人俱死

密陽附近有一山陝村落形如馬蹄只有山口一路日兵至此據守亂行射擊老弱婦女之死者百餘人陝川郡獨立軍被倭兵射擊而死者百六十人被傷者五百十八人

### 孟山之虐殺


孟山郡多天道教信者爲獨立示威運動而亦有耶穌教徒之參加者天道教人開獨立祝賀會高唱萬歲韓人之爲憲兵補者不肯干涉故得以無事經過幾日倭兵來到假一教師名義使之集會倭兵乃捕該會之指導者一人牢囚憲兵分遣所加以酷罰衆人激憤爲求放釋至憲兵分遣所倭兵引而入于內庭即堅鎖其門開砲殺六十餘人而有氣息未絕者連加槍刺其中三人得以脫逃倭兵追索不及乃窮搜其本第與近地而竟未獲焉倭人對耶穌教人則曰棄却耶穌崇權對天道教人則曰拋棄信條彼於信仰自由而強壓如是故有今日教團之絕對反動也

### 天安之慘殺

四月一日天安郡人民在并川市開獨立運動倭兵欲刺獨立軍之旗手而旗手赤以手抗刃流血淋漓倭兵乃連刺其腹而


倭兵贊行之跡  
 水原花樹里之慘狀

爲立左之屍體被殺乳兒置橫而前



弟乳其而哭爲失母兩兒中一妻之夫

為自中而被割斷之膝狀



殺之倭警與首謀金求應君抗論而理屈辭窮欲以鎗自殺忽向金求應君而射之即斃撲碎其頭腦亂刺其四體金之老母撫尸昏倒倭發又刺殺之

### 江西之虐殺

江西都屏台面沙川教會以三月二日開獨立運動而教人六名被逮三日大同郡院場教會以獨立者二十餘名赴沙川面役所倭憲兵補助員三名突出鎗射尹寬道玄景默君等六人即斃而餘多重傷於是獨立軍怒彼之砲擊我之徒手者即開血戰殺倭憲兵及補助員而韓人即死者四十三人重傷者二十餘人入于病院而死者五人又被倭兵之橫行射擊而死者二十餘人

### 啞聲被殺

三月下旬倭兵欲燬義州郡水鎮面金斗滿之家中路入安德他家午飯請安之女婿聞金斗滿家之所在則答以我爲客來若故不知也倭兵即砲殺之有張允瑛者啞聲也故對倭兵之言而耳不得聞口不能答亦被砲殺

四月下旬倭兵燒義州之加山面郡嶺方山楸洞玉尙面三下四處教堂毀壞威化面上端教堂又燒水鎮面大水口洞金斗滿張聖蘭黃澤龍楸洞崔啓化等各家及德峴洞民家四戶加山而民家八十戶搜捕玉尙面三上三下兩洞人民不計其

日人之酷刑虐殺

數三月一日倭兵來宣川郡教會堂呼出守直人亂加鎗打其母慌忙出見亦被亂打斃死守直人又被割耳而倒此美國宣教師之目覩而報告者也

江西郡嶺山面斗滿里教堂之女勸事及其孫十六歲兒被一刀斬殺併燒諸教師及勸事之家與民家二戶平壤教人李東根被倭消防隊以鐵鈎打頭腦爲半身不遂

倭兵以亞鉛彈丸砲殺韓人彼所謂鹿兒島派最以惡毒有名者用此爲消防隊在京城竹山龍仁安城平澤平壤義州等地造撲殺野狗之鐵鈎殺害韓人數千三月十七日太田郡人民三千餘名開獨立祝賀會倭人先以唧筒吸取藍色水向會衆及來往之人而遍射之凡其衣服有藍色點者悉捕之京城柱洞居具洛善年二十一歲參加於三月二十八日之獨立運動而倭兵以劍割其左耳刺其面部具詰之曰爾何故欲殺無罪之人耶倭兵又加猛打亂刺認其已死捨之而去具乃突起歸家血流如注同學諸友欲擔至教會病院而救療之自倭警各派出所稱以檢查故使遲滯俾不即達於病院者逾數時竟以血液盡出而死

三月五日在京城南大門外開第二次獨立運動而被倭兵及鹿兒島派之射擊死傷者不知其數自教會病院有看護婦一同組織赤十字隊欲救傷者而倭警乃亂打看護婦且拘囚之

四一

四月二日龜城郡人民爲開獨立運動方集於沙器面新市而倭兵砲殺五人刺傷十三名其餘被捕者盡懸之於柱取沸水灌鼻孔滾滾不息絕其呼吸非致斃則不止此種酷刑帶倭虜之新發明者

文容基君湖南之產而基督教信徒也爲羣山港永明學校義務教授愛國熱忱爲學界之健將故倭人素崇之四月初旬在湖南之裏里驛聚集男女萬餘人開獨立示威運動而該地爲南韓中心四通八達之區故影響爲大容基以剛壯之膂力高揭大極國旗爲衆先導行列整齊演說激昂倭兵數百名突來揮劍發砲而容基演說自若倭兵乃擊斷容基之右臂所執國旗則容基即以左手轉執而不顧右臂之被斫而血流猶疾呼挺身踴躍促會衆呼萬歲倭兵乃刺其胸部而仆之容基大呼曰諸君乎諸君乎我以鮮血助我大韓新政府使諸君爲大韓新國民矣言訖而逝

金鎔海君大邱人爲人剛直有氣節該郡人民開獨立示威運而其父爲主謀將宣言書朗讀大呼萬歲倭兵突入擊之鎔海挺身捍衛其父徒手抗敵而倭兵揮劍亂刺血肉糜爛父子被擒入獄數日而俱死

鄭佛君基督教助事也在江界郡聚集人民開獨立示威運動圖男女會者數千僞爲先導大呼萬歲倭兵開鎗射之即斃

明運行卓昌國金明河及男女學生等俱被打重傷僕之入獄也遠近人士會葬者衆有弔其妻而泣焉妻曰爲國而殉男子事吾夫死得其所吾何恨哉卓昌國金明河亦少年有志而併死獄中



倭 虜 之 怨 讎

倭兵以鎗刺目入救會病院治療



萬時祖國之自由中二十六刀耳領墮落一時後限命

影 攝 院 衆 濟 城 京

神精之屈不折百有尚歲萬立獨韓人呼大後之劈刀受稱肘臂而立真謀



### 天道教人之被害

是役也天道教人之運動最爲激烈故倭人焚其教堂及教人家屋掠奪其財產無處無之其人命之被害姑未得實數之報告而宜川定州碧潼陽德成川孟山咸興端川等地之教人俱被其大虐殺云

三月二十九日義州古寧湖而永山市開獨立示威運動而被倭兵砲殺者六人該親屬等昇其尸置之憲兵駐在所而哭之獨曰獨立成功以前決不葬此也倭兵乃亂打會衆而逐之三月九日倭兵捕縛男女教人置之京城日本獨立教會堂排列無數十字架縛懸男女於其上倭兵羅列前後毒施管擊死傷者衆

平澤縣有二十二歲之學生將火柴匣畫太極旗被倭兵砲殺五月二十七日倭騎兵三十名乘夜來襲聖北龍井市明東學校破碎教室椅子理化學器具扯毀聖經及教科書與一切文簿燒却女教師之衣衾亂打老弱及學生重傷者十五人總之全國各處獨立軍之被殺於敵者不止於此而今姑未能盡錄當更據所聞從次號續揭矣讀者諒之

### 倭兵對於婦女之蠻行

咸從郡之海濱有一貧家少婦以販魚爲業倭兵指爲獨立軍而刺殺之兩歲孩兒呼母哀啼情景甚慘倭兵夜入同郡範五

文義士之慘狀

### 里燒毀逃避之民家

宜川郡有一老婦以五月五日演說愛國主義倭兵以利劍開老婦之口觀者血沸

三月七日在平壤之倭消防隊五六名入平壤病院側韓人家捕女學生二人將鐵鉤引其頭髮以縛之于電柱請倭警捉去又章臺峴禮拜堂主日學校女教師避倭兵而來被消防隊急追以鐵鉤擊折肋骨遂爲廢人  
三月下旬京城女學生三十一人自監獄而出將其存獄受辱之實狀同辭明證如左

初次被囚時被無情亂打後逼令裸衣赤身結縛手足棄置馬廐中長夜嚴寒蕪草不蓋訊問時排列十字架而當曰汝等信者當受十字架之苦雖女子高等普通學校盧永烈以裸體仰臥十字架上後列置炭爐于架傍將鐵線煉赤亂刺乳頭三四次解止縛也以刀亂斷四肢分切如流血滴如雨又移他架併頭髮纏五處懸空仰臥以膏藥鎗火粘之頭髮及左右腋冷却後以猛力猝扯髮膚並脫鮮血滿地倭虜大笑爲樂所謂長官者問曰汝尙敢呼萬歲乎答曰獨立不成抵死不休不得已更拘原處數日不與飲食第三日再刑倭兵二名在左右一緊握女學生之手一以竹針叢插于頭而猶不服激烈者反怒罵之倭兵愈怒欲以佩刀割唇長官止之曰表現之面貌則勿傷也

四三

不得已還擲衣服嚴加警責乃許釋出

北墜局子街朴東完之婦人懷孕屆產期而倭兵突入其家踢傷婦人腹中兒落產即死

釜山港日新女學校學徒林雲伊崔福連金培綺李台煥文福淑金順伊等皆處女也參加於獨立軍呼萬歲被拘入監獄慘刑羞辱不忍形言較男子爲幾倍也

漢城二十五里外有一村落不堪倭兵之劫掠強奸而男女自殺者三十餘人

平壤女學生之被拘入獄者倭虜以煉鐵烙其乳頭加以惡刑及難言之辱

元山港有一女學生年十九歲係沈某之無男獨女遊學日本以三月歸國乃被捉囚於京城監獄當無限之惡刑遂至失真

打破琉璃窗及房內器物惟呼大韓獨立及其母親而其母至獄門外聞其女之呼聲痛哭呼天曰請釋無罪之吾女倭兵乃叱辱而毆打之

五月十七日大邱郡各村據開獨立運動倭憲兵巡查等橫行各村實行極甚甚至於奪棄朝夕之飯脫去婦女之衣服加以

難言之羞辱

大韓愛國婦人會驪州支部四百餘名誓以不達獨立則不止齊呼萬歲倭兵來襲恣其獸行

女士李慈敬以四月五日在京城被捉於倭刑事滯囚警察署者二十五日乃得釋以七月二十七日來滬述其滯獄時之情況如左

凡女子入獄者必令裸體而立於訊問場先以竹針亂刺全身及指爪間殆無空隙俾無收拾精神之餘地倭官等加以口不可道之侮辱唾洩顏貌拔去頭髮以其餘髮掛于足趾重踏項部以別樣之機械納于兩股間一次轉轉苦痛之極不可形言一日受此慘刑而歸于獄也有大韓青年男子見之大呼野蠻自此以每夜訊問而其題目不過一言而即西洋人之隱然干涉其壓云也在獄時必令跪坐飯以極少予之謂以沐浴而令脫服出門外俾多數倭人男女見之加以無狀之凌辱也

### 倭兵對於老弱之蠻行

三月四日倭兵突入咸從郡範五里鎗刺老人李孝根及其幼孫而殺之同里裴善禧亦被砲殺

三月七日江西郡十二歲兒來平壤病院治病而值倭兵之搜索病院劫欲出避倭兵射之彈丸自背後穿腹部即死

四月二十八日倭兵在釜山港東北二十里外捕十四歲兒詰問汝之呼萬歲非受汝兄之嗾囑者耶兒對曰我呼萬歲以我自由也倭兵欲以強制受降脫去其袴以竹片毒打陰莖至於死境而兒猶不服云

三月二十七日京城寺洞有七歲兒揭大韓國旗呼獨立萬歲倭兵以劍刺其口而殺之

### 倭兵掠奪金錢之蠻行

咸鏡北道穩城郡人崔基哲爲獨立運動之主謀者被倭兵砲殺同郡崔禹吉爲救恤其家族謀及于衆釀金六十七元倭人捕其人而奪其金

倭人在甌山郡斗滿里附近稱以補助員治療費而強取民間金錢

黃海道信川郡人金大成帶金一萬五千元將赴上海至定州驛倭警拘而奪之

倭憲兵數十名乘夜突入於定州郡葛山面李昇薰德達面李明龍趙衡均之家亂打婦女兒童破碎家具盜去各種物品

天道教會以二十萬元金貯置於京城第一銀行矣獨立運動後倭官即行押收該教大道主朴寅浩被捕而搜索其家盜金七十萬元又搜教人金尙奎之家盜金三十萬元

女學生徐範植鄭益泰自京城赴上海被捉於平壤之倭警而所持金一萬八千元被其搶奪倭兵之在俄領雙城者夜襲當地韓人各家時人皆解衣就寢門且扇矣乃以斧斫之突入內室婦女驚起未及取衣赤身被倭亂打金指環與各佩物盡被盜去於是俄領輿論沸騰以爲彼在歐人領土敢爲此蠻行而

文義士之慘狀

況於韓國內地乎

### 倭官對獄囚之蠻行

三月一日獨立運動以後宣川信聖學校生徒十人被囚於新義州裁判所備受惡刑入于美東病院治療七日杖毒入腹而死者三人病廢者六人

京城專修學校生徒洪致學張基派死於京城西大門監獄載寧江東村教會長老朴河東死於平壤監獄而倭人以每日撲殺三人囚人墓地之木碑日見增加或被囚者之家族及親知爲給其衣服要求面會輒以毆打爲事獄舍不過二坪有半而被囚者爲三十七人氣望不通不許沐浴汗流遍體臭腐爛鼻言語不通瀕於死境殆若犬之仰首而被屠漢之棒打則吞聲垂頭也

### 倭人之投毒害人

自四月以來倭人散在各處對於飲料水魚鮮食鹽雪糖各種投以毒藥害我韓人平壤商人發見鹽一升有四勺白色結晶之藥而分析之則鎔解石質之藥也雞四首吞之即死龍川楊市見各井水之有油浮上面汲盡其水則有以布片裹一藥塊者適見一兒行動殊常即捕而訴于警官則反擊逐之更詰於其兒則以倭人命我一回投藥授以十元故爲是也倭醫以爲此非即死之毒藥而特發痼疾者云而以目視者之證據則非

四五

蝮蠱死云

### 倭官禁止被傷者之治療

定州郡人民以獨立運動而被殺者一百二十餘人而醫師申某以治療傷者之罪當捉囚而病院亦被毀壞

## 上海西報所記之日人蠻行

據大邱通信該地監獄囚徒之充溢令人可怖以十人難容之房置四十人余到此之日百八十名韓人移囚太田翌日又移二百人道長官對余言晚近在獄人之最多時爲三千六百名云而此除警察署拘留者而言也且請視察該獄而被拒絕且問其虐待韓人之事則答以此乃中傷日人之言而決無是事云然以韓人所當之痕跡觀之足可判斷其實狀者有之據每日所來之報道則日警官訊問時對於婦人而有野蠻行動義城郡有里名馬谷而新婦當日兵之強奸往訴于憲兵隊則反喝退之余在安東郡目擊慘狀日軍殺韓人一名其妻驚慌伏於其夫尸上背負孩兒日軍又刺殺其母及兒又有韓人之負傷者一名喘息奄奄臥於路傍而日軍以劍刺其腹而割之在於山村日兵對於韓人砲殺之自由特甚而不許外國人之投足該地故余見釜滅之村里矣雖有外人之往者而恐畏憲兵隊之鞭撻不敢出言外人既遠之後則憲兵隊轉去婦女嚴訊

四六

三月二十一日晉州郡人民以獨立運動而被倭兵之射擊而死傷甚多其傷者入于教會病院受其治療而倭長官多方沮之期逞其撲滅主義有一病者其體熱達於百三度者請願放釋而不許

外人之有何言且何里事件有揭於新聞者該里受罰邑落則有十人同行者必被捕去處一個月以上之監禁無訊問而但受笞刑余留病院時見無數老弱之傷於槍劍者連日達至可知日人殘酷之甚也日本於講和會議居救護小弱民族之位置排斥獨逸對白耳義而在北佛行動者非耶願不許言論自由出版自由宗教的自由現今世界民族中最受壓制者韓人也官立小學以強制入學而世界歷史無一冊之教者教會學校非用總督府教科則開校不得受業不得故韓人之受完全教育不可望也專力於全滅韓國國語以我所見則不過幾年教會學校亦當朝鮮語之禁止矣然而如此之同化可知其必然失敗韓國民族有長久文化之歷史日本自身多受其影響者而遽欲其滅亡完全不可能之事實也

# 平壤宣教師會所報之倭人蠻行

在留朝鮮平壤之宣教師會記朝鮮獨立運動之真相報知于在朝鮮境外之人士而英文之繙譯也

今次朝鮮之獨立運動極爲重大而因日本政府之嚴酷取締難以傳達於世界不得已以間接托於貴報冀令世人周知也駐在京城之美國總領事對於本事件即時發電于美國政府然日本照其電文而打透未可信也所以發此長文通信（中略）下所記載之幾項可證日本對於朝鮮之嚴酷也此爲彼我所共知之背良正理公道之事實也

- 一、朝鮮之受專制政治爲世界第一 總督判決之案更不得控訴于帝國議會則總督者獨裁的暴君也下所列舉者即非認朝鮮民族二千萬之天賦人權者也
  - 二、日本之對朝鮮而統治者斷定爲其野獸的殘行外無他可名也無一分顧愛之朝鮮民族當極慘之毆打此非無一分顧愛之野獸的殘虐而何
  - 三、政府不許朝鮮人民之控訴權利若有論辨其不公平而提起控訴之行爲者即爲國事犯親知間暫時談話因數多偵探當一個年監禁者有之
  - 四、朝鮮民族一系統的民族也言語同一有相當之文明
- 平壤宣教師會所報之倭人蠻行

有信馮的四千餘年之歷史然而日本勿論公私立學校力禁朝鮮語之使用力圖滅絕朝鮮歷史特欲毀破韓日間過去之差異點牽強附會要關係之密接阻遏朝鮮人之文化的事業以其使用不同日本之言語維持朝鮮固有之思想也

五、韓日間人種之差別特甚不許韓人與日本人修業於同一學校自政府制定之教育令已有區別學校種類亦異朝鮮人之卒業於初等學校之兒童不許入學於日本人中學校卒業於朝鮮人中學校之青年不許入學於日本高等學校

六、朝鮮人非無若干高等官而其部下主要事務必置日人官吏執行凡百官權朝鮮人無代議士人民無提出要求於議會之途總督以自已觀察之要點報告於東京議會而已

七、關於土地有大小不公平者舊韓時代以國有未墾地貸附於人民者併合後自政府憑藉國有而奪收之資却或貸付於移住朝鮮之日本人由來佃作之韓人一朝失其耕作地而呼訴無處也

八、韓人之外國旅行券有特別節制之大多者有請求則以旅行理由不充分之口實爲拒絕其他十年間種種虐政許多然而自政府對如許爲政者無懲判之正圖反爲贊成日本求自已利益外無有爲朝鮮人利益而施行者朝鮮人在不能堪忍之束縛下騷擾之將來不可不繼續而破裂乃已混赤及同化作用已呼一段落矣

十七、日人對獨立軍之蠻行通例

- 一、小學生被捕時猛打痛毆殘忍既極且毒
- 二、韓國婦女界成羣呼萬歲時任意發砲轟擊
- 三、對十歲小兒發砲亂擊背部
- 四、六十餘歲老人無何等抵抗而毆踢無數俾不得行動
- 五、女學生數十名以從容態度出自學校由公共道路而行日兵疾追鎗擊足踢

六、消防手續以鐵鈎勿論男女老幼輒行擊拿

七、指揮鹿兒島派對於呼萬歲之村民亂行毆打

八、婦女及幼兒等會集時縱其兵馬亂跳橫行貽無數之傷害

九、有一韓人罹麻木症入醫院治療而消防隊以鐵鈎破

斫其頭部

- 十、被重傷而不能行動者縛而載之木車拋置獄中
- 十一、韓人百餘名以滿身血污之衣被縛入獄血流成渠
- 十二、獨立運動之榜觀者皆被亂打
- 十三、美國人士之在自家觀望者均當逮捕
- 十四、對於婦女用鎗打倒踢入溝中
- 十五、關於今回運動雖稍有疑點而難於執罪者畢竟何時憑藉清潔調查而無數亂打

十六、二三人作伴在街路上談話者不問曲直以鐵棒亂打夜間則必擊而仆之折其兩股對於老年夫人青年婦女等以革帶係其頭拿行於鐘路上終乃拘囚於警察署

十七、世界上第一殘忍無道之野蠻即倭之無賴輩而警察署利用如此之凶惡者分給鐵棒鐵鈎尖鐵刀等凶器縱其任意殺傷

日人在監獄之蠻行通例(放出者口證)

一、對於受訊之人先脫其衣一腕向于背上一腕納于腋下使其兩手相接于背上後以麻繩緊縛其兩拇指懸之於天井之鐵鈎引其繩之一端則其人懸於空中者逾三四分兩足拇指觸地兩手指天井如此則全身流汗或放尿，更所謂審問官吏或讀書或圍棋或就睡

而置之度外全身之血逆流頭上筋肉卷起四五時後舌垂氣絕則有醫士來使之更甦在二週間每日如此過二三日則兩拇指皆皮剝肉斷骨露矣

二、將受訊之人納入於木箱之內而箱則以銳利之洋釘插於三面而其高四尺使人半屈其身而立於箱內者逾四五時間而置若無視

三、受訊之人以裸體立於審問官之前而以三稜木棒白頭至足加以亂打全身如被蛇咬或紫色紋也

四、對於婦女以繩結其頭髮懸于天井而大足指垂於地面似着未着也

五、縛兩臂在背後而翻其面部向背作為直線以熱水灌鼻孔

六、以裸體伏于地面而以棍杖及竹鞭猛打至六十度

七、以鎗鎗鐵納入於手指間結指之兩端後俾巡回之以為快樂

八、限十五分間許喫飯過限則必罰

九、不許飲水故囚徒以自已小便止渴

十、或不給食料者至二三日或給大豆粥少許

十一、在獄中必令跪坐不勝苦痛有動撓者則捉而出之納棒於脚間數時間跪坐於地上故有失神昏倒者

平壤宣教師會所報之倭人蠻行

十二、房僅一坪而囚者至十人以上不得成眠為狂人者半數

十三、以數寸之油紙插入於陰莖之尿道而燃火

十四、以鐵棒煉火亂刺男人之陰莖及乳頭

十五、憲兵等圍坐四面以所吸卷煙之火向赤身人面部及陰莖而炙之左偏人不勝其熱欲向右偏則右偏人叱之一時間致有五六處之火傷

十六、婦人等每日一次以赤身出立于獄庭憲兵加以猛打者一時間

十七、或稱放釋而出送也每過一門倭卒持棒伺之過則突擊雖不傷頭面而打傷肩背僞僕強步僅至外門

嘔血倒死者有之

十八、每於訊問時有強硬態度者即行撲殺

十九、韓人女子入于監獄則必令裸體而訊問已受刑

決之女學生必當日人之暴虐

二十、拿入於審問場者必先以拳以足行一場毆打

廿一、以銳利之竹針刺爪及肉之間一指一指至左右十指

廿二、女子以裸體二三時間立于鏡前而若少屈其身則亂打之

右所記皆西洋教師據其耳目所觀而訴諸世界公理者也嗚呼新世界有公理乎如其有公理也則豈容此極惡之蠻種恣

消則速即捺章也云云強制壓迫出於萬端然而無一人之捺章者

離跳跟於人類社會而莫之厲懲乎嗚呼天下孰無父母兄弟姊妹妻子乎今彼倭虜之虐我父母兄弟姊妹妻子者何如其奇刑惡刑慘殺虐實世界人類歷史之未曾有者據此行為可見彼倭之性質爲奸毒之特種不可與他族人類與之共處也古昔桀紂時代有所謂炮烙之刑斲人之脛剖人之心者而此猶一夫之爲惡耳今彼倭人乎許多法官警官軍人等均有

三月五日總督長谷川有諭告曰日韓人間密接融和之實態既已明麗現其良好之成績矣在留海外不知半島實情之不逞徒輩傳播流言蠱惑衆庶所謂民族自決問題與朝鮮民族全無關係而妄爲捉來招致列國之嗤笑豈非可誡者哉敢爲此非違者無一步之假借而嚴重處分云

此種惡行則其誣賊人類容有既極乎滿世界具有良心之人論至于此諒皆髮豎毗裂血沸膽掉之不能已也如彼蠻種者豈獨我韓族之仇哉實世界人道之公仇也况彼爲長蛇封豕薦食未已則受其慘害者必不止於韓人而今中俄兩國人民亦既稍嘗其毒矣凡有父母兄弟姊妹妻子者豈無戒心之切迫者哉顧急自爲謀同聲疾呼協心進行對彼倭原之烈箴早施撲滅之銳力維持吾人之生存存目下第一義務耶

日人諱惡之狡譎

三月以來日軍以放火教堂學校者不可勝數而日官乃曰此反對運動者憎惡教人之所以也定州郡耶穌教堂學校與天道教堂之被燒出於日軍暴行者全郡之所共知而反謂韓人所爲而捕縛之嚴迫之總督府機關每日報記之曰此朝鮮人之反對獨立者所爲也

三月五日在平壤府之日官吏招集市內有力者十九人出書狀一張示之曰三月一日宣言事倡自下流幾個人之淺見而非以朝鮮人之代表爲者此書自京城製造而京城人士舉皆捺章將此書送於平和會而前者發表之獨立宣言書既經取

乎  
日本陸軍省公佈韓國各地方獨立運動事件曰自三月十五日

八千餘人而謂除威鏡道者何耶

在京城之西洋新聞記者實問日本當局之對於韓人而施酷毒之笞刑非人道的行爲則答曰笞刑不施則韓人現其不滿足之狀態多有困難之事故從其受支配者所願而施此刑罰云

日本政府對於朝鮮獨立運動而施其武力之蠻行者大彰於世界皆以東洋之獨逸指斥而嫉視之故爲欺世人之耳目稱以改正官制令總督長谷川提出辭表而海軍大將齋藤實男以繼任者被薦則亦軍閥派也從前所設之各隊各所兵員均仍其舊但改其名稱與服裝而曰新朝鮮主義云者豈非羊面而狼心者耶

日本所謂宗教派亦皆虛偽狡猾而無真實道德者六月初一日日本牧師村上唯吉來上海在日人居留地而演說曰日人虐殺韓國獨立軍云者皆宣教師與各新聞之虛傳也韓國內死亡者只三百餘名也今日韓國獨立絕對不可能也假使獨立而被美國之并吞外無他道也安重根之殺伊藤也余得上帝之命以日韓合併爲生活天之所合人不可分也因此僞言而被韓人傳道師吳翼杓之反駁及其歸國自稱有密探之結果知得上海韓人陰謀窟者明瞭其數不過二百名云也

日本組合教會頭領原田肋者六月十五日在美州羅省之日

平壤宣教師會所報之日人發行

本人會席說明韓國獨立運動之現狀曰三月以來人民教會等各團體與公私立學生等聯合而有如干運動諸英字報謂韓國新政府組織而發布閣員之列名皆無根之說但依平和會議提議之方便也且今回數千名之死亡者虛言也據總督府實地調查則死亡者三百二十名負傷者二千名云彼以狡諂之性以做虛僞之言詞欲掩世界公眼大抵皆此類也所謂教會頭領者如是遑論其他乎

三月以來日本各新聞均謂韓人先行襲擊憲兵駐在所故不得已以武力待之此爲掩護其虐殺而韓人手無寸鐵豈有先行襲擊者乎

日人之詭譎誠不可測也獨立運動以後有所謂反朝鮮獨立團者由其假造而生焉其警告書曰頃者流言散布稱以巴黎會之承認獨立煽惑民心無根之事也主謀者大部分方囚獄中而正在悔悟之中也尙以強奪金錢之目的妄稱朝鮮獨立團誘惑同胞停學廢業若如此而度歲月則朝鮮之滅亡不待再言我有志之士以決死之心組織朝鮮全道反獨立團多派密偵于樞要都市嚴重警戒則彼輩不出數日而撲滅矣吾人民勿惑於不逞徒之流言而安業焉我反朝鮮獨立團以保護良民爲職志對於不務本業不上學校妨害他人事業者必加以生命上危害特此警告云

在平壤之日官吏巡行城村威脅人民組織自衛團或自制團而加以毆打強其入團據章後若違反於團規者處役云也

上海大陸報云挽近日本新聞記以韓人先用武力故勢不得已以武力待之對於外人打電而日人輒爲改譯原文曰韓人自山上奔下呼萬歲而日人以鎗擊之而日人改譯曰韓人自山上而下亂擲大石云也

朝鮮每日申報所載或某宣教師之談某貴族之談某社會之談云者均捏造虛名說明反對朝鮮獨立而實無其人

四月十五日日兵撲滅水原各村焚燬各教堂者已彰著內外激起輿論而每日申報乃曰當日軍兵下去無辜羣衆猛烈攻擊當生命之危機故爲正當防衛不得已武力行事云又曰以日憲兵一名致死之故爲報讎者堤岩里與水泉里與憲兵隊相距二十餘里何獨越其近境對耶穌教人最多之村而爲報讎乎俄領老人同盟團代表五人誓以殘軀殉國入京呼獨立至有流血之舉而每日申報乃曰該老人等老矣失性被青年輩之嗾囑而有此駭舉云其亦誣之甚矣

京城獨立運動時日人數百名著韓服橫行各處破壞家屋及電車乃欲歸罪於韓人而適以日人一名被捉之故其事大白矣

日人暗投毒藥於韓人之井水者在龍川及義州古館面中端

洞既有受賂行事之兒童自白其事實而特於耶穌教人之村投藥爲多日人乃曰反對獨立軍之情惡耶穌教人而有此云也平壤獨立運動時日人將以軍隊出動而爲得其憑藉着韓服參入於運動行列投石打壞警察署及他官廳之玻璃窗嫁禍韓人而對赤手空拳之獨立軍加以武力殺害多人日人之無賴輩均着韓服假裝獨立軍貌橫行各處討索酒食行惡莫甚

右記各事均日人狡譎之畢露者無庸多辨而彼經營韓國三十年狡謀詭策無孔不入無事不做而最其犖犖大者曰力保韓國獨立而旋勒保護竟行合併曰擔任皇室之安寧尊嚴而實行廢逐弒逆之事曰改良軍制而解散軍隊曰整理財政而盡奪財權曰發達教育而廢撤學校燒燬書籍曰增進人民福利而強奪田地及產業曰維持東洋平和而勵行侵略主義佛其口而狠其心者指不勝屈矣

今彼對於中國一則曰中日親善二則曰中日親善政客之演說報界之詞調如出一口親善之聲已鑿於吾人之耳鼓矣然而佔據滿蒙進取山東福建及軍械訂盟軍事協定等事乃所以表親善之誼耶請有以語我來

# 我舉國一致之敵愾心

嗚呼彼之虐殺政策果足以抑壓吾族之活動乎誦詐手段果足以揜蔽世界之公眼乎此萬不可能者也彼之虐殺愈甚而吾族之激憤愈烈彼之誦詐益巧而世人之公斷益明則其爲虐爲誦適足以增其罪惡爲吾族之所必討爲輿論之所不容其勢日孤其策日窮竟立於失敗之地位而已則彼之虐殺政策與誦詐手段併非促成我獨立者耶況我以半萬年歷史之神力爲主動以世界平和之公理爲聲援何懼而不往何憚而不爲哉此吾族之敵愾由舉國一致而堅持到底勇進不已者也

## 皇子之復讐主義

我光武帝既以身犧牲於獨立運動矣第二子義親王李熙生丁陽九故官禾黍已極悲慟而父皇母后併被倭仇之毒弑寢苦枕戈義不共戴尤情理之固爾也至是聞吾獨立黨設臨時政府於中國之滬上慨然欲就之以大韓民國元年十一月十三日脫彼鐵網與從者二人微服乘三等火車至安東縣爲倭警所覺被擒還京在發程之先有一書來臨時政府說明其目的如左

一、日本人符同我邦之幾個奸臣弑我父皇及母后故欲

我舉國一致之敵愾心

訴此冤於列國

二、自三月一日以來我舉國人民以徒手叫呼獨立噫彼強敵終不改悛恣行虐殺然而我民以百折不屈之氣要求獨立之熱血愈往愈沸以我國民之精神決不同化於日本者宣布於天下

三、日本對我韓國十年前後以諸般條約合併國土乃利用奸賊脅迫而強結之者決非我父皇之背許予所確認者也欲公佈此情於世界

四、我亦韓國國民之一我寧爲獨立韓國之庶民決不願爲合併吾國之日本皇族必就我臨時政府成立之當地與政府諸公握手同心死生間竭力於光復欲補同胞苦心之萬一我之決心一爲自家復讐也一爲祖國獨立與世界平和也

## 貴族元老與儒林長德之忠言

前外務大臣金允植學部大臣李容植政界元老貴族代表也四月二十一日馳書于日本政府及總督痛駁日人之殘暴行爲曰韓人之肉體雖死而精神永存不滅人人心田深根固着各其自家暗呼獨立萬歲者能悉索盡殺乎

五三

孟子曰取之而燕民悅則取之不悅則勿取而齊官王竟於他日後悔者以不採孟子之勸告也現今韓人獨立問題不可以勸告及命令而解決者也尤不可以兵力解決也極好方針惟願從天命人心以公式承認韓國之獨立則日食之黑暗影子更復而公義瑞光投射宇宙矣總督大怒即速李容植加以刑訊金允植以其為八耄衰齡而難乎施刑分其在家監禁後自法院判決處役二年

前議政府參贊郭鍾錫承旨金福漢儒林長德也以儒教代表呈書于巴黎平和會而聯署者一百十人痛陳韓人悲劇慘劇之情況冀得自由生活於平和公理共存主義之時代而併皆被逮作楚囚之泣矣

### 老人界之壯志

前法部大臣金嘉鎮八十五歲翁也從前歷史入於政界而為甲午改革黨投於社會而為大韓協會會長而燭於外交曾任駐日公使者五年且以使命來華者四次矣今以國民之獨立運動而為大同團體問題遂革命之大活動而在於國內受彼監視嚴密莫可措手也聞吾獨立黨之臨時政府設於滬上即躍然曰此我韓人政府也盍歸乎來乃以弊衣破笠裝勞動者乘三等火車至安東縣改乘英船抵滬我韓人之居留者皆誠心歡祝其為夏臣靡棄逐之儼業也翁在車中有詩曰

國破君亡社稷傾包羞忍恥至今生老身尚有冲霄志一舉  
推飛萬里行

民國存亡敢願身天地網脫如神誰知三等車中客破笠鹿  
衣舊大臣

吾國商民值國有大事必閉店不市由來成例也今以獨立運動而日京城及地方各都市一律閉店日警巡行各店暴威張甚從令開市曰慢則有罰有七十餘歲老翁抗言曰我之子孫皆被囚我之親戚多被殺余已耄矣無意生世開市何為日警怒曰汝有子孫幾人入獄耶翁愀然曰豈獨我子我親哉我大韓二千萬同胞孰非獄囚而如余衰耄死何足怕日警不能更詰

四月三日日本神武天皇之祭日也日人欲假此會以威韓人在平壤之日警巡行各里民家令揭日旗以表祝意威喝如虎而有八十老人金利率即時應諾遂將我大極國旗高懸門上曰爾當念爾之國皇祭日也我當祝賀我之獨立慶節也日警怒而毆之

俄領老人同盟團歷史已揭于前而據最近所傳該團既有流血之特色同胞之信仰已深且以團員之熱心繼續增長故請般事采日形發展云此一般青年之拜賀不已者也

### 青年學生之決心

今回獨立運動以我青年學生之勇氣也。以我各教團體之信力也。以我全般同胞之良心作用也。所以有此曠前絕後之大活劇而貫徹目的確乎可期也。自三月以來各校生徒之一致決心益形堅固而此下所記特其一斑也。

京城日人所管學校強令學生上課授卒業文憑學生等皆抗言曰我等豈願受日本之卒業狀者哉。吾國獨立後受大韓卒業狀乃我等之目的也。竟乃拒絕而退。

五月七日江界郡公立普通學校女教師以參加獨立運動而被囚該校長日人也。因教授乏人。百方周旋俾得放釋女教師大聲揚言曰獨立運動我之天職。舍此更有何事。即以自手開鐵門還爲就囚。又該校學徒之一幼兒以指血畫太極國旗。揭示于衆。因此全郡人民大爲激奮。齊呼獨立決死進行。

公州郡女學生金有實卒業於耶穌教永明女學校。而芳年十五歲。以竭力於獨立運動。故被捉於倭。受無限之惡刑。而少不爲屈。聞者莫不感歎。而父鳳仁不勝痛憤。自刎而死。

平壤府私立光成學校生徒吳基周張道成朴世朋等與官私各校密議聯絡。以三月一日午後。傳布獨立宣言書。男女學生數千。誓天結盟。慷慨演說。朗讀宣言。高唱血誠歌。獨立歌。齊呼大韓獨立。萬歲六十餘名。一時被囚。於是數千學生決以同囚同死。突入警察署。警官等防禦無策。不得已全數放釋。

我舉國一致之敵愾心

全州郡女學生林永信鄭福壽金功順崔愛敬金仁愛崔約翰姜品純咸義善咸然淳崔錦苗宋順義吉順實金信熙鄭月初等十四人。以三月十三日獨立運動而被囚。該學生等以必死決心。絕不飲食者四日。而日檢事欲以威壓取服。嚴行訊問。學生等均以和平之氣象。膽大之言辭對曰。我等豈服於爾之判決乎。爾等乃全奪我疆土。虐殺我父兄之強盜也。反以吾人之爲三千里主人者。爲不法乃非法之判決也。日檢事大怒。拔劍割學生之左耳。盡脫諸學生之衣。而使之裸立。加以嘲弄。學生林永信舉手打日官曰。野蠻日檢事。又訊曰。爾朝鮮無軍艦兵。丁大砲鐵道等物。行見盡汰。而爾以此爲問。可知其愚。盜賊檢事曰。誰教汝等。而爲此耶。學生答曰。以上帝之感動。全國仗義而起。齊呼萬歲。而所謂指囑何言。耶爾等真暗昧於世界的眼光之島人也。日官等受此痛棒。遂傳訊而還囚之。

### 婦人團及寡婦妓女等愛國

京城婦人獨立團對於愛國金之義務。或自剪其頭髮。或以其結婚式之金銀指環賣。而得金呈于臨時政府。以効萬一之補者有之。

成川郡金溫兮夫人。基督教信者。年少而寡。以參加獨立運動之故。被捉於倭。憲兵備受惡刑。其母見而哀泣。夫人曰。夫子在

世則當參於今日義舉而不幸逝世故婦乃參焉則是代慈母之愛子而爲國家犧牲義之當然願母千萬保重不婦爲念也

水原妓金香花聚其同伴在該郡警察署之前呼獨立萬歲被囚當六個月懲役宣告而不服晉州妓亦有以獨立運動而當六個月懲役者

奉天同仁旅館有妓曰韓錦花爲國家獨立運動而噴指血書曰樂哉三千里江山無窮花更發兮己未三月萬萬歲

### 兒童之愛國熱

全羅道聲山小學生張某以三月五日發布宣言書被囚於全州監獄被日警之酷訊自嚼其舌而死

京城獨立運動之日一幼年女學生右手執國旗呼萬歲倭兵劍斫其右手墮地女學生更以左手舉旗呼萬歲倭兵復斫而墮地猶連呼萬歲不已倭兵復直刺其胸部獨立萬歲之聲不絕於口有西洋人欲攝影其慘狀被倭兵拘去

鐵山郡獨立運動之日有一寡婦之獨子十四歲幼兒被倭兵之三發彈丸及數十槍刺死謂其母曰母親乎我往上帝之前矣我胸部之槍痕十耶百耶語我而識之則當告于上帝之前矣燒之哉燒之哉我胸之熱血點點爲熱火燒彼島國矣燒之不能則咬之嚼之矣言訖而逝

京城有十一歲女學生以獨立運動而被捕日警嚴訊曰汝何故執旗而喜樂耶女兒答曰吾復得吾失物故喜樂日警曰失何物乎女兒曰三千里錦繡江山是也日警厲聲曰汝小兒以何知識而樂此耶女兒益以溫言答之曰爾實不知矣向日吾母失一小針兜至半日後復得而不勝其喜况三千里錦繡江山復爲我有其樂何如日警亦爲之感而落淚云

江西郡新興面新里書塾之學童十餘名聞獨立運動之消息不請於父母及先生而醜錢若干即赴數十餘里之市中購得白紙歸而製國旗而手之齊唱大韓獨立萬歲一村人民見此幼稚之愛國行動而大爲激奮遂倡示威運動現其慘况馬山郡獨立運動之日有十二歲小學生被日兵砲射閉目而臥日人醫師欲救而撫摩之兒覺而視之踢而却之曰吾雖死而不受倭虜之醫治也

### 牧師之抗辨

三月下旬我獨立軍七十二人在大邱覆審法院受公判牧師李萬集之抗辨如左

判事曰汝以宗教家運動人民惹起國家之不平爲不逞行動乎牧師微笑曰我生長韓國爲韓國國民爲我國我民而舉事義所當爲判事曰此事始作之場所與印刷所爲何處耶牧師曰這都是我家也判事曰然則汝當依隆熙二年度保安法違反

而遊汝國法處三年役刑牧師曰以隆熙法律適用於我國版謝矣試問該法對於爲韓國獨立者而適用之條文何在判事氣塞不言者良久乃問首謀者誰牧師曰我也以此七十二人所受之刑盡用於我而不足則加之於我之世子孫而必取服從也

### 工商界之愛國行動

自三月九日京城東亞煙草公司之韓人五百餘名及鐘路市街全部各都會商民一律罷工罷市  
八月二十八日國恥紀念日也京城內商界一致撤市上下人民舉皆會集行盛大之獨立運動而學生三十名被捕

### 官吏界之良心作用

大瀧門把守巡查鄭浩錫高陽郡人三月一日見國民之爲獨立運動即遺其窮欲以軍刀斫指誓爲國家革命而其母奪刀止之乃以齒嚼斷其無名指鮮血淋漓將洋布二幅一蓋太極旗一書獨立萬歲四字高揭長竿馳至該洞學校與職員及八十餘名學生行示威運動至西小門被倭警所捕倭又來搜其家索其斷指鄭妻叱而却之

安州郡守金義善三月三日見該郡人民數萬集于城中宣布獨立而倭兵亂行射擊死傷其衆義善大爲憤痛馳入倭警署破質其不法又巡視尸體撫摩涕泣而慰之曰爾雖死矣而以

我舉國一致之敵愾心

國家獨立而死者爾之血真有力而爲榮死矣爾其少勿悔憾而含笑歸天則我同胞之從爾而成就大業者多矣即日乘印渡江會晤同志以圖光復

元炳潞安岳郡龍門面面長也日官吏開面長會於郡廳問韓國獨立之可否炳潞驟然起立正色而答曰韓國非獨立不可日官吏喝令退出炳潞大言曰我當退矣人可自欺其良心乎我誓視韓國之獨立也拂袂歸第即辭其職經數日而日兵等來訪且誘之曰君以一郡之模範人物發表獨立思想則其知他人何望少改圖勿致騷擾之繼續也炳潞不允竟辭其職金三奉順川郡新倉面長也將獨立宣言書散布民間定期集會大呼萬歲日警捕縛而訊之曰爾以面長煽動民心罪不可以他人例也施刑甚酷三奉自若曰我爲面長從我民意指揮獨立軍乃我之天職也毫不爲屈人多稱之大同郡守朴某錫見日人之虐殺良民不勝憤慨曰吾寧死爲韓國之鬼不忍作倭虜之奴遂棄官歸第

嗚呼彼之虐威愈張而我之反動愈烈弱體女子幼年兒童皆能慷慨就死如赴樂地世界各族爲之驚嘆不已彼敵人亦知畏懼窮於對付矣然則吾族之男女老幼以其貴賁之生命樂爲國家犧牲者果孰使之歟究其根抵驗諸事實不出乎學生之修養力與教人之信仰力也觀夫今日吾族之殉國者非鮮

五七

學之男女則皆宗教之信徒信乎人而無學不可以爲人國而無教不可以爲國矣

蓋人之生也靈魂之清氣賦於天命肉體之濁慾近於禽獸故尊其靈魂而修之則合於天心徇其肉體而縱之則陷於隄行此其爲善惡之關者也惟學界之修養與教界之信仰均所以強其靈魂之力輕其肉體之慾者故學者之有時乎舍生安於天命之義理也教人之有時乎樂死信其靈魂之歸于上帝也今觀吾族之殉國者其臨死之言胥出於此則豈不以此種信念夙印於腦髓者耶蓋吾族受彼強奪束縛而無自主政治之權無發達物質之力惟精神上事業歸于學界與教界而已彼對此兩界亦加無限之束縛而反致無限之發展者以精神之不可撲滅也然則彼猶恃其強力恣行虐殺以盡滅吾族爲期乎則軍國主義已爲舊物而非此新時代之所能繼續也欲以狡譎手段改爲懷柔則可以挽回乎吾族已飽經受欺更無如是之愚也况五千年歷史之精神深根固蒂而加以學生之修養力與教人之信仰力乘天地之變潮據人道之正義豈無奏凱之一日乎此吾族之一致自信者也

惟中韓自古有安危存亡之密接關係而今復已經大變矣對於此次吾族之活動尤當有非常之激感而必有研究其動力之原因者矣竊謂中華人士救國之根本方針亦惟在於擴張

教育以厚學生之修養力扶植宗教以固教人之信仰力方能爲國犧牲之大効果觀於東漢之節義明代之忠烈不其明瞭乎且今中韓兩方之同情相求較昔尤切惟學界與學界聯絡教界與教界聯絡尤誠實友愛永久不渝之機關也幸有以諒之哉勉之哉



# 世界上酷受壓制之韓人

上海西報

最近消息以郵以電都未受得故在外地無何等通信所以有謂韓國獨立運動自然消滅而人心更無何等生覺者然此誤解耳記者於最近三個月間旅行於韓國內部方面而躬察之韓人之決心於要求獨立者永遠不變矣韓人所受之虐待惡刑與凌辱婦女等事均爲對於日本而懷抱怨恨者矣此等感情深印於婦人之心理故新時代之青年以其母親之影響而憎惡日本厭滿日本者多矣

許多村落被其全滅者余見之矣婦女等皆有非常恐怖之狀態對於外國人亦畏憲兵隊之毆打而不敢發言也憲兵隊從外國人既去之後捕捉婦女詰問其有何言詞勿論有答無答必行毆打若一洞里之事爲何種新聞之報道則一洞里受罰所以新聞但以一地方載之而不敢以其村名露出也現今視察韓國者不可不認定其國之在恐怖中也

大邑有十餘人之聚集者輒行捕捉或無訊問而多日囚禁亦無何等之證據而放送之時必毆打而送之人之被捉者勿論有罪無罪毆打而乃已也舉余多知之例而言之韓人等皆於一個月以上極不健康之狀態中爲其囚獄初無何等訊問於但被打而出矣獄中之最近狀態更欲說明而余適不幸在病

世界上酷受壓制之韓人

院逗留而亦見日本人之殘酷者多傷於鎗劍之無數老弱受其治療矣

由內部各地方而報道之來者尤極悲慘軍隊以無外國人之眼目爲其多幸私行法律待遇韓人極其野蠻慘酷見慶南釜山地方之報道強奸婦女之事實種種矣韓國婦人等以慎重不言之故以直接執其證據難矣然而據余所知有一醫師之告及而其餘確實之事實分明其他報道亦多然矣

今日則文官退步而諸般權利皆操於軍人矣大郡則憲兵隊長有法律私行之權而文官輩不敢干涉若對文官而問收監之數及待遇韓人之狀則必以往問於憲兵隊爲答也

東京政府自三月以後對於韓國事有確實知得之理由勿論各地方示威運動之起者及爲鎮壓之策謂有軍隊增派之必要然而彼等以此軍隊不知其如何使用對於韓人而爲野蠻行動慘酷者亦不知矣

日本政府例於地方事情從其駐在代表者之報告而知之而已然爲其暴虐之責任者豈有告自己之不善實其不面目者乎

此則勿論不得已之事也然而今日如此重大事情發表於世

五九

聞以上若任他國政府則能想像其事實後關於獨立而覺其有派送員之必要矣既認總督對於教會堂會集之韓人而有無數槍殺之報道若非日本而在於他國則必輿論蜂起政府必使其責任者辭職矣


日本新聞除一個外國文報外無有揭載關於韓國事者以此之故民衆之輿論不能盛起也

日人之多數對於外人之報道認之以論難一個日本及日本統治者故不爲信用矣乃於不幾日覺其責任者之爲慘酷行動特以武斷政治爲不信用也

日本於講和會議居救護小弱民族之位置排斥獨逸在北佛而待遇白耳義之行動假步其模樣者而對於韓人不許言論自由出版自由政治的宗教的自由矣

現今世界民族中酷受壓制者韓人也官立小學校以強制入學而世界歷史無一冊之教授者教會學校非總督府教科書則不得使用以故韓人不得受完全教育

日本以全滅韓國國語爲專力以余所料不過幾年教會學校必使用日語矣然而余認其同化主義之必敗何也韓國有長久文明之歷史日本自身受其影響者多對如此民族之生活而使之滅亡者完全不可能之事實也



## 又有一白耳義乎

日本以陰謀征服韓國而被征服之人民受無前之非人道野蠻的強制之統治矣前者在紐育城有擁護日本之演士言曰日本極常以略守約條者自鳴而此言非真正也日本以無視誠實破壞自己誓言爲其總統者日本人等在國際關係上親切不正直以其暴露自己之行動觀之爲自己所言之正反對者非一非再以韓人與中國人之實際上經驗而知此也日本政府派送軍隊于韓國時爲何言明乎不曰韓國以內亂而請願日本以友誼的援助乎然而以此國內亂爲其口實以日本人之煽動紛亂韓國之秩序而已

伊後總統藍模倣英國之對於埃及政策而經由皇帝主管韓國統治皇帝實不過一個囚人矣

終末合併韓國爲日本之附屬一郡有所宜言然日本每於如此強盜的事業現出之時對愛國之韓國人力爲拒絕而韓人隨其能力所及絕叫正義公道及世界同情然而惡毒無匹之日本粉碎如此之愛國事業以多數志士處之終身懲役宣告死刑加以慘酷殘害矣

最初日本干涉韓國內政之時爲何言乎不曰日本政府決無征服韓國廢止韓國政府之理由耶亦不曰韓人達於自立能

又有一白耳義乎

享幸福之時則日本即撤退其內政干涉爲其誓言以固守此誓言公佈于世界萬國耶

至于今日日本軍隊放火韓國內村里鞭撻人民加以鎗劍爲無理之殺害是何罪耶敢問二千萬生靈依民族自決主義建設共和政府宣言獨立之罪耶

縱火城市及諸村落落火災之閃光遍于三千里江山紅染天空手無寸鐵之人被傷於鎗劍之下二千萬生靈之死際叫苦聲在巴里平和會席上若霹靂之墮落而耳聾目盲之諸君不聞不視無抗論無同情是何故耶

幾日前各新聞以歐洲之白耳義佛斯岳斯等小邦國粉碎於軍國主義之下爲其復讐而不氣高千萬丈高聲大嗚乎謂韓國人當日本之虐殺而不覺其苦痛者耶美國之軍力爲受如此壓制之民族自壓制之毒手救出而脫奴隸之名義享自由而使用者不有相當之理由乎

當此爲自由而改造世界之時聞如此慘酷而持正直之良心者其能忍耐乎

但知有一個白耳義而不知又有一個白耳義者巴里講和會之處事能完全乎

六一

## 朝鮮之獨立運動

朝鮮之獨立運動既成重大問題中國各新聞及英字諸報屢屢記載決非單純的暴動與些少的騷擾明矣以直接蒐集可信憑之報告可取信之書信又親所目擊者之報道而觀之吾人非誇張非反駁也今番朝鮮騷動因日本在過去十餘年間對於朝鮮而以軍國的帝國主義極其壓迫威嚇之計劃而不躊躇於此起一革命矣若謂現世之國民有受殘忍虐毒一暴君之惡政酷治者朝鮮民族是也日本在於彼土移植其民而已開發財源而已朝鮮民族之怨乎喜乎亡乎興乎非其所關而惟利其自己民族而已朝鮮人對此狡猾可憎之日本統治而思欲脫離控訴于文明之世界期待渴望 已久矣此心理的瞬間風靡全地球之進步與民主主義之波濤使朝鮮人為其自由而厥然奮起來

是以不數日而廣布全國之獨立宣言決非由幾個不逞之徒之一時的感情而生者確實乎上而對於上帝下而對於人類為正義自由而熱叫者朝鮮民族二千萬之聲也日本之對於朝鮮如獨逸之對於白國之武斷政治不得不因此而除去也

一、朝鮮人自己中議議員選舉之事而納稅則依例

彼等提起控訴而無大審院 恆常在最殘虐軍人之專制政治下 彼等之大希望在於更為自主的國民而持自由權利享自由生活而從願言論之自由且彼無法之軍人不日速離於半島之內者其願也

吾輩對於日本之朝鮮統治無重言復言之必要而惟日本帝國為其打朝鮮人入於靜穩歸順而更取一層如何手段者侍見而已

特法國乎英國乎美國乎為此可憐之朝鮮民族予以之一願乎對於日本之待遇朝鮮問題自國際聯盟特下公平之判斷乎

一言以蔽之今次朝鮮獨立運動以日本於自己本土外在朝鮮又在亞細亞之何地方不可以相當之指導者信賴不可以相當之管理者信任將此理由表示于全世界即可謂之確實證據也探尋其理由固不難而亦全世界各國民通悉之事實也

日本以不義之手段國債與租借及其他同權之政治的經濟的利益盡榨取於中國而又鴉片以無限之輸入貽害毒于他人者全世界之所熟知者日本之政策勿論何

稱表示其利己的而已稱以弱國民之保護者不可而稱以一暴漢可也

今日對於日本人而歐洲人且置凡亞細人不足以猜疑對之者無一人也日本固無與其隣邦維持同情之資格而無他活自活之單純的理想者也

吾輩斷言矣日本持續其侵略主義軍國政策之期限則

## 美國宗教界及教育界之同情

五月十九日美國芝加哥監理教特開牧師會為救韓國慘狀決議提出請願于政府以委員長奇摩收帥之名義發宣布文現今韓國之慘酷情形歷史上初見之事也彼屠戮韓國甚於壓迫阿瑪利亞之國逼迫耶穌教用獨逸之暴虐者也三千教會有三十七萬教徒而日本以殘酷手段燒燬教會學校捕縛傳道師教師婦人兒童等加以惡刑殺戮據芝加哥長老教會宜教師書記四月通信則致死者及瀕死者之數達於萬人以上此美國政府之所已洞悉者也吾人為保護韓國民族之自由與生命及公義對我國政府勸告其使用可能的諸般權力可也

### 同地長老教會亦會集決議如左

現今日本對於韓國教會加以空前絕後之逼迫無所不動矣

美國宗教界及教育界之同情

全亞細亞之混雜為漠然之通景而其結局滅亡而已然故在大西洋諸共和國極力發覺之民主主義之前宜乎先取者不啻對於歐洲而然者對於亞細亞可能取其斷乎處置也亞細亞之平和不在乎武裝及武裝解除也其實在於經濟的產業獨立令其人民結合也今乃日本證明其自身之全然無力且濫用權利及特權也

韓國耶穌教會實有可驚之長就以其公義之感化力與高等文明驚動日本之奸諂政治家故彼等之壓迫教會絕無餘地燒燬教堂學校亂打教役者加以惡刑屠戮野蠻的行動尤甚於獨逸之行於白耳義者故我等決議以至誠祈禱上帝從耶穌救世之職為忠良之韓人提出抗議書經由政府使日本當局絕棄其野蠻政策且以決議案藏置於長老教會圖書館可也

六月十四日美國美少利州王訖羅馬州傑斯少州婁伊斯亞羅州緊沙斯州等五州大學代表者會集于美少利州基督青年會館相議為韓國獨立提出請願書

## 美國上議院覆大韓耶穌教會代表

大韓耶穌教會代表十人對國際聯盟會萬國長老教聯合總會暨理教百年紀念大會合衆國各州上議院致陳情書

惟我韓國海東古國神聖檀君首啓國祚仁賢箕子禮義化俗享有四千餘年之歷史固守二十萬民族之結社者也惟皇上帝恩上加恩自四十年前前下賜基督之福音不過數十年三十萬教徒之多數雲興二千餘教堂四處星羅讚頌之聲家家相聞布教之師綿綿相續偏邦雖少而亦足爲基督之天國矣乃不幸值否運橫被日本之詭計併吞後宜教之自由被奪集會傳道說教查經祈禱會及教育被取締制限之拘束說播僞教所謂朝鮮組合教誘亂教宗勒施威嚇逼迫會職一九一一年收師長老傳道師一百餘人俱以無罪備受酷刑收監三年彼之十年間諸般政策如豺狼之噬羊羣毒手苛政令我舉國同胞忍不能忍幸聞世界平和民族自決之好機會滿腔抑鬱如防川之潰決赤手空拳主張獨立教會及各團體之男女貴賤不謀而同手執之兵器一片紙旗而已口唱之軍歌無數萬歲聲而已成敗利鈍非所逆觀而惟依仰全能之上帝信賴萬國之公法也彼冥頑暴虐無道之日人以掃蕩之計劃先多製鐵鉤如屠豚犬亂刺捉囚京鄉監獄充無餘地又多派師團之軍

人散布閭里日夜恣行殺戮被虐殺者六千餘人而最受毒刑者基督教人也收師長老一般首職幾盡被囚而幸而得免者皆逃野晦匿教堂之燒毀者百有餘所禮拜之日男女信徒號哭街路仰天祈禱乃受日兵之逮捕凌辱或在山間隱身禮拜會職之家宅不火則毀無止泊之所男子則皆負十字架驅迫街上曰欲負十字架者觀此重加笞刑女子則在審問場裸體赤身無數淫辱口不可言十歲未滿之女子六十高齡之老父母多數被殺目不忍見近日又有極慘之狀水原郡載南里有日兵多來詐稱勸諭召集教徒三十餘人于教堂後堅鎖窗戶亂砲射殺一時放火教堂全部堂內教友同時燒殺火骨灰塊羅馬餘毒至今尚存皇天明鑒世眼共看者也銅傾鐘斷芝焚蕙嘆況乎均賦最貴靈性之人類耶主張自由尊榮之僉位及以耶穌寶血之聯絡而共成肢體之兄弟對此無告之病痿殘喘而置諸無思無關耶爲我三十萬基督信徒二十萬魚嘴蒼生一轍踴躍呼哭無歸而以僉位愛讀之公理主張之正義仰體愛人如己之聖訓使韓國教會之絕自存之餘望者幸保命脈復視天日敬鑒

美國上議院議長伯利遜氏以下十人議員聯署答復如左

本月十七日發貴函及大韓耶穌教聯合會對同一信仰之吾等教人同封送公函以喜悅感謝之忱表深切之同感不能自己惟諸位之確實認知者生等分明對此事件以極盡之誠意竭其能力表其同情矣

## 美國大佐二人及新聞記者之視察韓國

美國某大佐二人有大功於歐戰者與一新聞記者爲視察韓國情形去十二月巡視京城平壤等地同月二十七日在某處經宿與韓國人士接洽而言大韓獨立勿論必成而但時機姑

美國下議院之對韓決議案  
十一月二日華盛頓發電下院議員威爾利廉瑪遜氏以對於韓國國民而表同情之意提出決議案于下議院

未來望以忍耐成就終局也吾等當以韓國情形盡力宣傳于美國各社會且面陳于威爾遜總統矣

## 中國前大總統孫逸仙氏對日本談

頃聞日人大江訪孫逸仙氏而言曰願公勿認吾以日本人而認以亞細亞人也孫氏曰爾日本人非亞細亞人也大江愕然詢其故孫氏曰爾日本人爲歐人使用而侵略吾亞細亞人者焉得爲亞細亞人乎爾日本人若欲以亞細亞人行世乎則將滿洲權利與山東問題早行還付中國而許朝鮮之獨立云云據日人大正日日新聞所記有孫逸仙之日本觀問題至此席之談話也故爲之譯載焉

今中國各地之排日運動依然熾盛固爲遺憾然最近中國人之排日感情其爲浸潤頗深遠若謂容易而除去此則不可能

美國大佐二人及新聞記者之視察韓國

也余亦認日本自然的膨漲不得已也若日本爲其發展地求諸中國則其結局之爲絕望不可不計也將來日本以其進出口向於中國則中國人取猛烈反抗之態無遠也日本爲目下的世界憎惡之中心陷於非常之窮地在中國則受中國人之排斥在南方要求發展則買歐米人之反對在西伯利亦一樣也惟將來日本不受排斥充分發展之地則赴南洋也爪哇斯瑪透羅方面之土人勿論而數十萬之中國人姑無對日人之惡感故極力令此方面而發展爲良策也况該地非日人之故鄉耶在他地不得容納之時則歸向故鄉亦自然之事也

反觀乎世界之大勢則以今番歐洲之大戰而世界之形勢一變盎格魯遜民族橫暴日加當此時吾等亞細亞人非事內爭之時也盎格魯遜民族與非盎格魯遜民族之結合與衝突早晚間難免之運命也對此而非中日相結爲中心之努力而對抗則不可也日本蓄置海軍之力中國鞏固陸軍之力爲必要也

朝鮮問題極其困難之問題以余意見則日本須容韓人之要求而承認其獨立爲宜也以韓日合併而買韓人之怨恨勿論而中國人及其他對日本之疑惑甚高使日人陷於現在之苦境與其莫大之影響矣元來未有如中國民族之愛正義者日本會稱中國侵犯韓國之獨立而起清日戰爭中國以戰敗之結果割讓臺灣賠償巨額然愛正義之中國人實認其犯獨立而不惟對於日本無一言怨嗟之叫呼聲而反尊敬日本先將歐米留學之學生爲學日本之文明使趨日本日俄戰爭以後尤尊敬日本中略乃至今日有反對之狀態者韓國合併爲事實上最大者力也此結果對於中國人而與以非常之疑惑及不安釀出今日之情勢爲其主因也至於今日俄帝國既爲崩壞日本對於北方無何等之威脅而俱已消滅則今日承認韓國之獨立無何等障礙之生韓國反因此而表滿腔之謝意永永不忘矣中國人對於日本之侵略而一掃其一切疑惑與不



## 韓日兩族之性質判異

韓日之不可強合固有許多關係而兩民族性質之判異尤為根本問題也

以歷史言之韓族之建國有四千二百五十二年之紀而日本二千六百七十二年也且在古代凡百文物之開創也韓族為師日人為弟子至中古時代兩國無維持親善之時日人恆以侵略的野心對遇韓族韓人恆以輕侮的狀態敵對日人矣西洋某教師有韓日兩族之國民性論如左

亞細亞諸民族大概有共通性蒙古族一時從事於侵略而一旦受佛教感化柔順如羊印度漢族扶餘族均有平和性質而其中固守侵略性而儒教佛教俱不能破壞者日本族也二千來對於中國及韓土之沿海地方以侵略殺戮為事者惟日本族也故兩國歷史上外患大抵多倭寇也且以亞細亞民族之大戰爭歷史觀之其大部為日本之主動若壬辰役日清及日俄役與夫今日韓國內虐殺最其彰著者也日本指武人曰士韓人指文人曰士日本古來尚武之風韓國右文之風也今次獨立運動也韓人以文字官語求正義理論之解決而日本恃其武力耳

韓族對於日本族不啻否認其為同一血族也惟認其為加害

韓日兩族之性質判異

壓迫而發生之先天的仇讎也韓族固無與日本族親愛之記憶而亦無要求親愛之希望者也現今韓人與日人決不要有好感而韓人思想莫不曰幾日乎幾日乎者皆其抱切齒之恨者對如此民族心理而無視可乎

### 韓族對日本族之輕蔑

韓族稱日人曰倭庶倭廢者即由來之習性也恆言也韓族對於日本族之裸體賣淫男女關係之紊亂而尤加嘲笑大而國家小而個人財產皆以狡猾手段詐欺強奪亦多經驗且彼等如禽獸之時代以我各種文化教導者恆所記憶也又韓族與亞細亞第一強大之漢族角其文化時日本以海島中一蠻族普天下無注意者亦所記憶也日本人要留學於唐而不能直接交涉要新羅紹介故東三省有新羅院即新羅外交官兼攝日本外交者亦所記憶也

以最近狀態觀之韓族固認日本自五十年來輸入西洋文化有一日之長者然而日本尚未及於泰西諸民族者遼遠矣韓族若以自由為二十年之努力者可及日本文化富強之程度固所確信也韓族於文化有吸收消化力與創造力較諸日人而有優勝點者亦所自信也日本人在韓土之內以其機關紙

六七

與官吏之口必曰自己爲世界一等國而日本族較韓族爲優秀之指導者現其口於之態如此境遇韓族尤有不可抑制之不快反抗侮辱之感想倭虜倭虜爾以強霸自處以母國人耶震日乎幾日乎吾當見之此其切齒之愈往愈甚者也

韓族以日本族之淺薄輕躁狹少而輕蔑之以日本族之無將來性而憐憫之韓族雖於今日被日本族之抑壓而自己之優秀於日本族者亦所自信也

韓族對於日本族而恐怖者惟武器而已三十萬日人散在亞細各地韓人以密接直觸看破日本族之處身而愈增其輕蔑之想

牧師梁甸伯以一千九百十年合併之歲視察日本歸告其國人曰森林三十年生、大學三十年生、會社銀行三十年生、鐵道輪船二十年生、英語之百年事業日本以三十年譯云則日本語之三十年事業韓人不能以十年縮譯乎此實韓族之自信者也

以此證之韓族對於日本族決無少毫尊敬之態而反抱輕蔑之念者也在日人極其強壓之下往往有此感情之發處故日本人常詬韓人曰不恭漢忘恩奴(譯者曰爾真是忘恩奴)也

### 韓族對日本族之怨恨

日本族在東洋史上以倭寇之名稱掠掠韓族自新羅而解次

次雄(方言君主之稱)時代而距今略十八世紀前也自是以來倭寇侵入韓土之沿海掠奪財物燒燬城邑村落虐殺人民所過人煙斷絕所以千五百年間數百萬韓族之生命均以鐘辜斃於日人之手此與漢族共受日本族之患者也

一六一年豐臣秀吉無名爲寇血戰八年韓族之被殺戮者三百萬都市村落被其焚掠者太平平和之事業與文化被破壞者幾何此時韓族之大損失即其致命之傷爾來三百年間韓族大疲斃之原因實在於此大抵被殺戮者三百萬而其十之九則非戰鬪也當時朝鮮全國之常備兵未滿五萬矣只今韓人孰非與當時被殺者三百萬有血緣之關係者乎

一八九四年有清日戰役而日本在武備缺乏之朝鮮國內自由橫行徵發糧草強要勞役無辜人民被其殺戮殆以萬計至於俄日戰役尤爲倍屢占據官衙侮辱官吏京義鐵道之歐設軍需之運搬勒奪土地徵發農時人民軍兵役夫橫行村闖劫奸婦女勒奪金銀雞畜雞卵等加以任意捕縛韓國民臣而砲殺之自京城西至義州北至會館延長三千里間韓族之受其損害死傷侮辱者思之亦可切齒也

一千九百六十年日本新戰勝之餘威以詐欺強迫的手段置韓國於保護長谷川軍司令部掌握韓族殺活之全權於是愛國志士蜂起全國表示其否認保護條約之意長谷川派其軍

隊期盡勦滅而武裝之義兵被其殺戮者十餘萬無辜村民之當虐殺者非獨立之後則不可求其統計也

今年三月韓族以平和手段主張獨立而日本加以捕縛惡刑者十萬殺戮者二萬村落及教堂學校婦幼之被燒者幾何過去冤恨已徹骨髓而今日暴虐尤極野蠻則韓族與日本族萬不能共活於一國之內矣

### 韓族對日本族之不信任

日本自丙子修好以來十餘次金石之誓約無非保全韓國獨立而盟血未乾公行破壞矣關於韓國統治專以武力彈壓而對於世界則誣稱韓人之悅服吸收韓族之富力供給日人之生活而以虛飾的統計數字誇張韓族產業之發達韓族社會以指導者而信仰之以良士而推許之者必加迫害而除之以無賴輩而排斥之以惡人而憎視之者必予推獎而用之人格高潔名望最多者必得不肖鮮人之稱呼以強盜殺人等罪名而治之則韓族與日本族關於道德正義之標準呈此正反對之奇現象也

日本人之來住韓土者勿論官吏商人教員宗教派皆韓人之不信任者也彼警務總監部及其他警察官吏等以欺罔誘惑威脅的手段捏造韓人之罪案與商人以騙詐行為奪取韓人之財產始舍勿論而所謂耶穌教傳道者牧師等亦皆假裝親

韓日兩族之性質判異

近韓人之表誣而實為警務總監部之密偵者多所謂朝鮮內組合教會之教職大概此類也

今舉一例而言之今年六月以組合教會牧師為朝鮮內宣教師之首領之村上來上海對韓人及西洋宣教師試一時大活動對韓人某某以慷慨之態度說明朝鮮獨立運動為文明的攻擊總督府之暴行且曰余即朝鮮兄弟之友表滿腔之同情此行為對於日本及世界傳播朝鮮之實情也最終曰余與諸兄弟更不得入朝鮮之亡命客也總督府之對余情惡無異於諸兄弟也滿面微笑緊握韓人之手而作別矣彼去後二週日投書大阪每日新聞曰余受當局之囑托調查在上海不逞韓人之狀況云云而發表其調查報告矣

三月一日以後總督長谷川代表日皇及政府發兩此諭告第一次諭告關於日皇及政府與韓族非但無何等相關而反暴露其意思利害慾求之全然相反第二次諭告暴露日本之對韓族向虛偽不誠實長谷川指韓族之志士與先導者而曰不逞徒輩韓族之運動而全族一致捨生奮鬥為純潔的愛國行動而彼曰以一部不逞徒輩之煽動而京城及其餘地方有敢行羣衆之妄動者第三次諭告曰日本人朝鮮人間無差別之待遇之事自古有密接不離之關係者韓日兩族挽近尤有融和之實為事實之明瞭者這般事端究查其原因起於兩者

六九

聞互相反目云云

韓人之受惡刑於警務總監部者數萬而聲言無如此之事實  
若者水原事件有數十西洋人俱以目擊而攝影傳之者而乃  
曰否認有此事如孟山定州兩小地方之死者達於四百以上  
乃曰全韓除三百三十一名外無死者若此虛偽果能掠得天下  
耳目乎真所謂欲蓋彌彰者矣

## 韓族之創造文化

韓族非乏於創造力者距今四千二百五十二年前創造國家  
在中國唐堯時代據韓族歷史檀君以十二條憲法禁嗇言奸  
淫盜賊殺人等令男女編髮蓋首立宮室衣服之制通道路作  
舟車理河川制文字拜天教築祭壇據漢族所記自虞舜至  
殷周時代宮庭之音樂分二部而一部韓族之音樂也

約十五世紀前高句麗發明煉瓦磁器玻璃而用之有二十餘  
種之染料十二世紀前唐兵陷高句麗之京城有以鐵鑄字印  
刷之國史四十八卷發見

約十九世紀前百濟創設共和政治十五世紀前高句麗新羅  
百濟俱創行現代式徵兵制

據日本所記琴十七種琴曲及舞蹈曲九十餘曲自新羅百濟  
輸入者

七〇

日本政府政黨及民間社會俱有朝鮮問題之討論而絕無一  
毫誠意之足認者也對彼飢渴於利慾之日本人而求正義解  
決何異對俄虎而誦佛言乎或云參政權或云自治而韓人斷  
無如此之希望而亦不信其言夫以盟約而公布世界者亦歸  
無信而况言論乎

又據漢族所記高句麗有獨特之音樂及舞蹈着黃色絹布之  
制服者四十八名組成一音樂隊

壬辰役海軍統制李舜臣製造鐵甲潛行艇擊日本海軍而盡  
滅之鄭平九製飛行車偵察日將小西行長之陣架設聯橋于  
臨津江

距今約百餘年前京城有一天文學者發明幻燈活動寫真供  
親友之觀覽乃以妖術抵罪



# 日人盜臨溟戰捷碑

日人自侵犯吾國以來盜取各處貴重之古物不可勝計而如豐德之玉塔臨溟之戰捷碑尤其大者也臨溟戰捷碑在威鏡北道青寧郡昔壬辰役日將加藤清正入北道陷諸郡時李鵬壽崔配天池達源姜文佑許珍金國信許大成等七人倡義討賊推評事鄭文孚爲大將擊破清正收復諸軍後人立碑記之評事崔昌大撰其事碑在臨溟雙浦甲辰日俄之役日兵抵此竊拔其碑船載以去置東京博物院嗚呼吾族以何日完我趙壁耶讀其文亦覺氣湧如山也文曰

在昔壬辰之亂其力戰破敵雄鳴一世水戰則有李忠武之聞山焉陸戰則有權元帥之幸州焉有李月川之延安焉史氏記之遊談者誦之不倦雖然此猶有地位資於乘賦什五之出也若起單微奮逃竄徒以忠義相感激卒能用烏合取全勝克復一方者關北之兵爲最初倭會秀吉怙強驚逆窺犯中國怒我不與假途遂大舉入寇長驅至都宣廟既西幸而列都瓦解賊已陷京圻其驍將二人分兵首兩路行長驅行朝而西清正主北攻其秋清正入北道兵銳甚鐵嶺以北無城守焉於是鞠景仁叛應景仁者會甯府史也素惡不率及賊到富寧險危煽亂執兩王子及宰臣奔播者併縛諸長吏與賊效歛鏡城吏鞠世

日人盜臨溟戰捷碑

必其叔父也及明川民末守木男連謀相黨并受賊所囑官各據州城擊張勞立殺脅惟所指數州崩駭人真自保鏡城李鵬壽爲氣士也奮曰縱國家搶據至此凶徒敢爾耶乃潛與崔配天池達源姜文佑等謀舉義兵諸人地相衷衷適爲將評事鄭文孚無兵可戰脫身匿山谷國義兵起欣然從之遂推鄭公爲主將鍾城府使鄭見龍慶源府使吳應台爲次將歙血誓義募兵得百餘人時北虜又侵北邊諸公使人誘世必并力禦北虜世必許之內義兵入城明朝鄭公建旗鼓上南城樓誘世必上謁時其入目文佑擒之斬以徇赦其脅從即引兵南趨明川又捕末守斬之會事亦討景仁誅之以應義兵軍勢稍壯來附者衆吉州人許珍金國信許大成亦聚兵爲聲援當是時清正分編將領精兵數千據吉州身率大軍屯兩關以護之十一月遇賊於加坡將戰鄭公部署諸將見龍爲中衛將屯白塔應台及元忠怒爲伏兵將分屯石城毛會韓仁濟爲左衛將屯木柵柳臺天右衛將屯沿河金國信許珍爲左右斥埃將分屯臨溟方時賊丑勝不甚備諸軍並起掩擊乘銳蹙之土無不疾呼先登者賊敗走縱兵追之殺其將五人斬獲無數盡奪其馬畜兵器於是遠近響震將吏亡伏者爭起應之衆至七千餘人賊收兵

七一

入吉州城窻不敢動列伏於旁懼邀其出輒勦之已而城津賊大掠於臨溟率輕騎襲之蔽山設伏伺其還夾擊大破之又斬數百人遂剖其腹腸布之大路於是兵聲大震賊益畏之十一月又戰於雙浦戰方合偏將引鐵騎橫衝之迅如風雨賊失勢不及交鋒皆散走乘勢又破之明年正月又戰於端川三戰三勝還屯吉州休士既而清正知軍不利遣大兵迎還吉州賊我軍尾擊之白塔大戰又破是役也李鵬壽許大成李希唐戰死然賊遂退不敢北當是時明將李如松亦破行長於平壤鄭公乃使崔配天間行奏捷行在上引見流涕贈鵬壽司憲府監察賜配天秩朝散時觀察使尹卓然怒文孚不稟節度而嫉義兵功聲出己右聞奏率以誣摛以故賞不行顯宗時觀察使閔鼎重北評事李端夏聽於父老以質聞於是加贈文孚贊成鵬壽持平餘人贈官有差又建祠鏡城之漁郎里祀同事諸人賜額曰彰烈今上庚辰昌大爲北評事既與義旅之子孫訪問前故得事蹟爲詳慨然想諸公之風又嘗路所謂臨溟雙浦者觀其營壘戰陣之所徘徊指顧爲之咨嗟不能去問語其父老曰烏夷之禍烈矣三京覆而八路壞諸公出萬死一生提孤軍摧強寇使我國家興王舊地卒免於左衽而邊塞之人興於聽聞勸於忠義者又誰之力也幸州延安俱有碑碣載事垂烈東西者瞻式以關北之功之盛而獨闕焉庸非諸公之恥歟咸原曰然

惟鄙人志矧公命之遂伐石鳩財以入來請文辭非其人又來曰斯役也公實首義不得命將輟余乃叙其事繼之以銘曰  
有盜自南讎我大邦我王子蕃以國受鋒屹被北原狼虺穴墉有茲者氓不抗而從血口胥吞濟毒以凶士也竭竭後羣攸同兵義莫利不脣戈弓既殲叛徒寇莫我衝武夫鼓號山摧海涵師旅既赫厥醜崩陞協底帝罰匪我私忠北土既平爾蠶我農大君曰咨孰尙汝功贈官命祠光惠始終士風既烈民可即戎臨溟之涯有石從茲刻之頌詞用示無窮



# 中國之中興必自挫日而始

李光洙

夫以世界最奮最大創造最燦爛文明之中國而陷於今日恥辱之境過果何如耶會指中國為睡獅子者今則指為死獅子矣嗚呼以五千年文明之歷史數萬里膏腴之疆土四億萬盛多之民衆人才無盡藏物產無盡藏而在萬國平和會僅齒於小弱國之列榮乎否乎以堂堂獨立之大國政府唯諾惟謹於島族政客之頤使安乎否乎至若軍械證盟軍事協定非保護階級而何

昨日滿洲今日山東明日福建再明日蒙古皆次第而逝者也彼貪慾無厭者之爪牙已裂破中國之腦背而其銳利之尖端且直犯於騰勝則現狀之危迫奚啻累卵也哉

乃者天庸國民而有一大覺醒主倡抵制日貨絕叫死守山東而有國民大會學生示威運動馳電政府以策勵之傳單各界以鼓動之報紙之血淚縱橫淋漓此乃起死回生之新氣脈也鄙人東韓之一學生也爲復我既失之歷史與自由而奮鬪者亦以中國之休戚爲切己之休戚者觀中國人民有如斯之覺悟有如斯之決心而誠不禁感淚之滂沱也

然而味味我思之以此溫和手段足以挽回既失之國權乎足以收復滿洲之主權乎足以奪還已入日本鐵額內之山東乎

中國之興必自挫日而始

足以制止日人之無孔不入百方經營期遂其大陸政策者乎且中國人思之中國年來因南北之爭而糜費國財糜億萬傷害人民數十萬大江流域幾乎煙火斷絕南北兩方俱已氣盡力竭者果誰之爲也其以日人利中國之內訌陰弄其左右之術而然者非世界各國之所明知公言者耶然則日人以直接侵奪土地與財產固如彼其宏大而以間接殺傷民命戕害國脈又何如耶此中國父老昆弟之痛入骨髓無異乎三韓民族也

然則中國人民爲自衛自存之計出於何法可乎以國人之輿論而能得勝利乎抑亦依外國之輿論而得其助力乎今日雖曰輿論時代而尙可曰全未全未也如英美法文明陸盛之國關於國內政治固以輿論決行前至於國際關係尙以武力左右矣日本輿論之反抗與命令之服從有未開太強暴者中國位與內政而無輿論之力而況可借助於外國之輿論乎中國與而享其幸福者惟中國人中國亡而受其禍殃者惟中國人則爲中國而流血者亦惟中國人而決非美人英人代爲流血者也若守以夷制夷之舊套而望其自存則不啻緣木求魚而反入於自滅之途者也

七三

嗚呼中國非世界上獨立國耶無四億萬人民與百萬陸海軍之力者耶以山東一省之人民足以成一國家捍禦外敵而以二十一省之人民而無自存之力耶鄙人曾參觀中國學生運動會而其指導者一人登壇演說曰中國不能以武力抵抗日本而惟以和平手段抵制日貨貽日本之損害云云鄙人甚嘆中國士氣之沮喪也夫以白耳義之小而爲其自立對抗強德以捷克之孤而爲其獨立攻擊俄人以中國四億萬之衆而曰不能以武力抵抗日本者豈非可嘆之甚耶若謂中國無挫日之必要則已苟爲中國自存與東洋平和而認日本爲敵則豈可不快試一戰乎環顧全球會有若是無氣魄之民族乎惟中國之兄弟幸勿怒此愚慙之言而猛省益奮也

惟韓族爲僞於虎而真知可怕者今此獨立運動試行平和手段者一個年而登諸如此可得其結果乎最后一着惟有出於血戰一途者即全族之所確斷者也竊爲中國計中興偉業安寧幸福非貫流血之代價則不可得也嗚呼其思之



# 余之來華後感想

安定根

余以亡國遺踪飄零海外寤寐於祖國之獨立歌詠於祖國之獨立醉醒於祖國之獨立豈有念及於他者乎惟其對於中華不啻有地理上歷史上政治上種族上特殊觀念而至乎今日尤同舟遇風同室遭焚之勢也且為身家所托耳目所觸之地自然有感想與慨嘆之不能已者不得不披瀝于中華四萬萬兄弟之前也以余所經歷者言之滿洲三省非中國領土耶然而日人勢力之擴張也蠻行之橫暴也中國官吏人民之畏劫狀態也反有甚於韓國之內韓人之居住及來往者被日人之偵察捕縛亦然過山海關始稍放心到秦皇島乃敢矯首以觀車場長崗尚有日兵更過漢洲昌黎塘沽天津北京賭車場皆日兵所住地也余乃覺日人權力非限於東省而深入於中國之腹地也又自北京向南方所經各處無一非日人權力所及之地漢口有多數日兵蘇杭二州俱為日人特別租借排置巡警之地但據余之目觀而將來中日政治關係未知伊于胡底而況山東問題福州事件與北京政府之濱於被保護之狀態者耶

余固為吾國排日派之一人而亦內外國人之所共認者也嘗與中國官吏有所交際聽其言也固曰先生好日本人不好云

余之來華後感想

而究非實情也嗟吾韓人遭祖國之敗亡受異族之毒害顧瞻四方無所於歸惟以舊誼之親愛壤地之密邇扶携渡江歸依中國求其庇護問亦有入籍之人而乃中國官吏應日人之要求驅逼韓人棄交韓人無日無之是固曰國力微弱不能抗彼強者而非盡然也實由中國官吏懼於畏日病罔念國際之法理與利害關係但恐生事雖無日人之強要而先行驅逐者有之東省某長官曾指韓人為附日親日之民族不可接近事畢排斥至昨年韓人獨立運動以後不問日人之干涉有無事先驅逐韓人捕縛韓人射殺韓人無所不至前以附日而排斥今以排日而驅迫然則韓人從何道而得免於罪乎況且前韓人在吉林省延吉縣地方呼獨立萬歲秩序整然毫無紛擾擾乃中國軍隊出而射之當場即斃者十九人嗚呼我韓獨立果有害於中國耶如俄法美各國人對吾韓族之運動而莫不之讚歎而表同意彼以殊種而如此何獨中國嫉韓而助日耶此在國際道德上友誼上人道國家體面上人民思想上絕對不能為者而為之是可忍乎嗚呼中國官吏受日人之煽動摧殘已國人民亦多此類如近日天津學生之排貨風潮重出乎愛國血誠者而自警廳捉囚學生又派軍警與學生決鬪

七五

生之重傷者八百餘人世界歷史豈有如此忠於外人虐於國民之官吏乎噫嘻痛矣寧欲無言

然則中國之前途希望係於先進偉人耶夫諸偉人奔走海外幾十年喚起革新思想順應時代潮流願專制建設共和使此神州大陸呈出新現象孰不欽嘆其功德哉余與諸偉人未有執鞭之雅而或從間接而聞之精神力量殊無革命家氣象何其勇於排除滿清一切於對待外人也余在俄領親見諸革命家之行動直有氣吞四海廓清八荒之志對於聯合軍雖屢戰屢敗而氣不少挫目無強敵遂有今日之再接再厲使彼日人捲甲退縮不敢反抗此真革命家之本色也能事也今中國之偉人鮮有不羅畏日病者嗚呼今之中國處日人束縛之下國土得完全國民得享安甯幸福耶諸公之爲國土保全計爲國民安寧計者欲從何着手耶置中國於日人指導之下方能得國土完全國民安寧耶設謂諸公爲外交手段而出此而決非根本大計也何以言之蓋國家之隆盛富強由民氣之雄厚勁烈也未有民氣萎靡而能致國家勃興者矣今夫諸公皆國民之望也一言一動皆有薰被國民之影響而諸公乃呈畏日狀態或有言及對日問題者輒搖首止之曰恐有國交涉則宜乎國民亦皆畏日而不敢作氣也所謂民氣者爲國家流血是也中國自數十年來國民未有對外敵而流血者政府則惟

朝割一地夕割一地今日曠一權明日讓一權偷安姑息俛首低眉惟仰外人之處分權每况愈下遂達於不可救藥之悲境而國民尙無流血行動者以元氣之不充也如白耳義捷克遜小之國而爲其自主獨立力戰天下莫強之敵必能遂其目的而以中國四萬萬之衆甘受島族之壓迫而不敢加以一矢何其憊也嗚呼諸公思之世界何族不以流血發揚其國威耶嗚呼其疑而能做甘夢引盜入室而不失已財者必無之理今中國不一舉血戰攘斥外寇而求享升平得乎其理甚明童幼皆知尚欲以媚盜之術姑息之策爲民先導陰消民氣使四萬萬衆盡作垂死奄奄之態甘爲外人之奴隸何也嗚呼欲救今日之中國必激勵民志培養民氣以四萬萬之熱血對付島族而後可苟非然者諸般政策皆虛文空談無濟於事而其究且陷於自滅而已所謂一言而與邦者其流血之謂乎

余之先兄重根在旅順獄中最後臨終時以數言遺囑于余一對於祖國同胞二對於中華同胞是也一余爲祖國殺國仇今日身死無所餘恨但不見國家之恢復而先死爲遺憾也幸我同胞兄弟盡誠協力以恢復祖國之消息傳達於天國則余之在天靈魂在地骸骨當欣喜踴躍矣二我之國敵即中華之國敵也余爲兩國關係東洋大勢殺伊藤而身死中華民族諒此鄙衷深思兩國運命關係并進無退以救我韓二千萬與中國

四億萬於水火之中余雖死矣而可永遠立證者韓國獨立未  
復之前中華民族必無高枕之日云余今十年後因吾韓族之

## 本黨紀略

本黨創設四千二百五十一年(西一九一八年)十一月二

十八日

本黨致陳情書於美總統威爾遜氏

并決議派員赴巴黎向將開之世界平和會議請願承認韓

國獨立及西撤海內外同胞齊起恢復祖國

十二月選定金奎植爲巴黎平和會議代表

翌年二月一日金奎植首途赴法

## 新韓青年黨黨憲

第一條 本黨定名爲新韓青年黨

第二條 本黨增進人類文化實現平等自由純潔及博愛之

真理下大地以遂完人生之天職爲宗旨

第三條 本黨由德行敦篤具有前條理應之二十歲以上男

女組織之

第四條 本黨設左列職員

理事 十人

新韓青年黨紀略

獨立運動而對於中華自不禁感想之流露有此數種而兼此  
佈達云

再派六人前往東京及內地(韓國)各處聯絡學生及  
各界共商進行方法

三月一日漢城宣布獨立本黨特設對外交涉機關從

事宣傳

四月日派赴巴黎代表金奎植並以大韓民國臨時政府代

表名義提出請願書於講和會議

十二月一日發行機關雜誌「新韓青年」

書記 若干人

事務員 若干人

理事由總會選舉之

理事會互選理事長一人代表理事會

書記及事務員由理事任用之

第五條 理事長代表本黨

理事長有故時由理事會互選理事長代理一人代

七七

行其職權

理事分部執行黨務

理事任期定為二個年但每年改選其半數

第六條 每年二月一日開總會但其場所及期間由理事會

決定

每月最終土曜日開理事會但應於必要得開臨時

會

第七條 新入黨員須要黨員二人以上之介紹由理事會決

定其許否

第八條 本黨員須納付每年十元之義務金

納付期分為兩度第一期限以六月末日第二期限

### 編輯餘言

一 內外人士對於本社而特惠稿投無任歡迎

二 各報界同業間均以無代金交換

三 本報另置通信一欄以備各學界通信錄送之記載

四 本報繼續購覽 諸先生須記住址氏名送于通信處無任盼禱

以十二月末日

七八

第九條 黨員如有違反於本黨精神之行動者由理事會

黨

第十條 在外黨員得以通信提出意見及票決權

第十一條 應於必要得設支部於重要地方

第十二條 本黨憲非由黨員四分之三以上之列席列席黨員


四分之三以上之決議不得更改

黨網


一、期圖大韓獨立

一、實行社會改造

一、促成世界大同



FROM THE JAPANESE DOMINATION



CRACHTHAMS IN THE

Photograph was taken by the International Labor Office. It was reproduced in the "Cracrafts" by the International Labor Office.

## 姜燦九小傳

姜燦九一名宇奎韓國平安南道德川郡人基督教徒也幼至孝爲其母病割股和藥以進之長身豐貌氣宇軒昂嫻於射藝慷慨有志節以貧故初遷咸鏡道洪原再遷中國之吉林以布教興學爲事爲日人所忌又遷饒何縣墾荒治生力倡教育至今年三月吾國民有獨立運動大演慘劇而我父老之在俄領者組織老人同盟團特揭一幟不旬日而響應者數千李發尹余五鄭致允車大韓安泰純五人俱入京城聚集多衆布獨立宣言大呼萬歲被逮入獄燦九年六十五歲亦以老人團代表潛入內地以圖運動隨行密謂同志曰吾此行必殺倭總督時長谷川以虐殺我人爲輿論所攻被遞歸國齊藤男實繼任以八月二日來着京城南門外彼之官吏齊出權迎車馬雲集軍警林立防衛嚴密而燦九突入投爆彈乃中其後車斃數人而火着齊藤之衣幾危其命於是吾國人心爲之一振日人大驚極力搜捕而詎意皤皤老翁有此激烈行動哉所以燦九從容自在者數十日而無如青年男女以嫌疑被捕者衆燦九慨然曰豈可以我之故而累及無辜多人耶遂自現就捕入獄受訊而意氣自若舉其謀刺總督之理由侃侃說明日警加威脅輒怒而大叱聲如獅吼同時人士之在獄者莫不壯而嘆之時復高唱詩歌以死爲快於是姜老俠之聲震于天下

贊曰余嘗與燦九偕旅俄領之海參威風雨聯床經數十日之久燦九守教戒不飲酒而惟對余則略爲酬酢恆稱其孫女名英才勤實爲學而其書藝有非常之天才爲人所珍賞年今十

三云既而燥九乘般出海慷慨南征蕭蕭易水之別猶森然于目中也嗟乎丈夫生世死國足矣余何爲若人而悲哉惟滿引一大白而叫大快宜也且夫數十年來吾國之士以義俠而轟震于世者凡有七人而其六人爲西道之產則以西方之爲天地義氣所鍾而然耶



大韓民國二年三月一日發行

定價三角

主筆

朴殷植

李光洙

編輯及發行

新韓青年黨

通信處上海郵務局信箱

一〇六號